

# Sunda Yabu Sebente Ya Daniele



Ni itumezi, hahulu luli, Muzwale Neville. Ki kakusasana, balikani. Ki lithonolo fa ku kutela mwa tabernakele mo hape kakusasana cwana, ka kuzwelapili mwa Liñusa lelituna le lusweli kulika kutoloka, lona la Sunda *Yabu Sebente Ya Daniele*. Mi lu tabile hahulu kubona babañata hahulu baba kopanezi kwande kwanu ka lizazi le licisa le, mi kacwalo lu swabile luli kuli haluna sibaka sesituna sa kuina batu. Kubona batu baba kubukani hamoho ona cwalo ni kuyema kwa matuko, si eza lika kuba tata. Mi ha muini ka mbombolelwa mo mu lukela kuinela, si eza tata kuli mu utwisise. Kono lu ka eza kaufela zelukona kuli libe kapili.

<sup>2</sup> Mi—mi, kacenu, Ni sepa kuli mukaba, haiba Ni ba ya liyeha nyana, kuli mu ni swalele, kakuli kwa kona ku unguka kwa nako ya Liñusa le, yona nako luli ya ku li feleleza. Ne lu ibeile mwa bulalu kuli lukone ku kolwa handende.

<sup>3</sup> Cwale, eni sha, ko—ko kopano yebonahala iziba kuli litaba ze, kamba Mañusa aa, a tepiñiwa. Mi alumiwa kwa lifasi kaufela. Mane naha ni naha ya amuhela matepu a hala lifasi loote. Mi Niabela kubulela cwana kwa bateelezi kwa tepu, kaufela ko muinzi, mwa siemba sa lifasi kaufela ko mupila, kuli kwakona kuba lika zeñwi mwateni mo ze mu si ke kulumelelana ni na ka lituto ze Ni—Ni luta. Kono Niabela kubulela, mizwale, mwendi, kuli kambe nemuka li toloka fela ka nzila ye mulibona ka yona, yakona ku shutana ku ze Ni lumela. Kono, Ni ka taba kuteeleza zemukona kubulela.

<sup>4</sup> Mi ki ka mulelo ha Ni tisa Mañusa aa, kuzwa kwa . . . Linzwi la Mulimu, mwa pilu yaka. Ki ka kuhulisa Keleke, kwa Keleke kaufela, Keleke mwa buñwi; Keleke ya Krete, mwa buñwi. Mi kaniti Ni lumela kuli kupila mwa lizazi la mafelelezo. Mi ciseho yaka ya kutatulula litaba ze, mi kusina kulika ku i eza, ku ikasha, ka nzila ye kamba yeñwi. Ha ni si kaba yasina mulatu, kuya ka mo Ni zibela, mwa kuezeza zeo.

<sup>5</sup> Linako zeñata sicaba sa teelezanga matepu, ni kubulela kuli, “Kihande, Ne ni sa lumelelanangi ni zani. Ha zibi fela tuto ya hae, ha zibi Mañolo.” Kihande, yeo, yeo yakona kuba niti. Mwabona? Ha ni buleli kuli yeo ha ki niti.

Kono, ku na, Ni—Ni Ibalile, ha ki kunga manzwi afi—afi . . . Ni balile ze ba bulezi baana babañwi, ni kuitumela ku bona. Kaufela za bulela mutu, Na i tumela ka sona. Kono cwale—cwale Ni li isa ku Mulimu, mi Ni ka ina ni sona kufitela Ni kona ku si tatulula, kuzwa Genese kufita Sinulo, mi Ni kusibona ha si tamahana hande mwa Bibe. Mi cwale Ni—Ni ziba kuli silukile hande. Mi, kakuli, fo muinzi fo, seo ki sibaka fela silisiñwi se

Ni zwile mwa—mwa sikuka. Mi mwendi fo mu fosa, kamba kukondisa, kona fo Ni zwezi mwa sikuka, ni ku shutanisa cwalo.

<sup>6</sup> Kacwalo, lwaitumela ku mina sicaba sesinde kaufela sesiliteni mo, kakusasana cwana, ni kumina sicaba baba teehezanga kwa matepu aa. Mi luna . . . Kaufela ze ezahalile, ki za Mubuso wa Mulimu kaufela. Ni na ni balikani babañata hahulu babande lifasi loote, mi ka seo Na itumela luli, ni kulumela kuli Ni ka yo pila ni bona Kuyakuile. Mi hasikoni kuba mwa pilu yaka kuli nilike ku—ku kwasheka sicaba se, kube sikamañi kaufela, kono ki kulika kutambeka kaufela ze Ni kona kuli ni batuse.

<sup>7</sup> Ni ikutwa sina Solomoni mwa na ezelize ha lapela, ni kubulela kuli, amufa butali kuli akone kubusa sicaba sa Mulimu. Yeo kona tapelo yaka ya kuishuwa.

<sup>8</sup> Mulikan'a ka yaliteni hamoho nina fa, uteni, Na bona Muzwale Mercier, ni—ni Muzwale Roy Borders, ni Muzwale Neville, ni Billy Paul, mwanake wa mushimani. Gene uteni mo kokuñwi, ni mizwale, Teddy, ni babañwi. Na itumela kwa batu ba kaufela baba tahanga ku to ni tusa.

<sup>9</sup> Na hupula kwa ha ki kale hahulu, Muzwale Leo, po—po pono yana bile ni yona; tolo, kona mwa na ibizeza, busihu bobuñwi ha lu kopana lwapili; kuti na boni piramidi yetuna yeshengile, inge inzi mwa mbyumbyulu mwahalimu. Mi Ne ni pahami fani inge ni kutaza, kokuñwi, mi apahama kuli abone kamba neli sikamañi. Mi ha yo fita fahalimu fani fa ngo ya yona, kiñi, abulela kuli, ne ku bonahala inge liseli la mubala wa silivera cwalo fahule, kamba inge mukeke otezi lico, Na ne niyemi, inge ni kutaza kwa batu. Mi a to ni kobeta, ki ha Ni talima kwa ni kwa. Mi ki hali, “U pahami cwani fahalimu foo? Ni kona kufita cwani kafoo?”

<sup>10</sup> Na li, “Leo, hakuna mutu yakona kutaha fa. Ki Mulimu yalukela kutisa mutu kulo fa. Cwale, ha u lukeli kutaha fahalimu faa. Wena uye fela ushetumuke u yo kutaza kwa sicaba sani fafasi foo, u ma no ibona, yeo kona Niti, kuli Yeo kona Niti.” Leo a tuluka, ku yo paka kwa sicaba.

<sup>11</sup> Se li nako yekuma kai kuzwa fani, Muzwale Leo? Myaha yemiñata nyana, nji cwani? Seli myaha nyana. Kuzwa fani, kuya ka mo Ni zibela, ubile ya sepahala ka kueza cwalo, upaka kwa sicaba kuli bulumiwa buzwa ku Mulimu. Cwale, mi Ha—Ha ni lati kuli bu zwe ku na. Haiba bu zwa ku na, kipeto habuna tuso, kakuli hakuna tuso ku mutu. Mwabona? Bu na ni kuzwa ku Mulimu.

<sup>12</sup> Cwale, ha Ni talima kwa ni kwa . . . Maabani musihali, Ne ni swalani mwa mazoho ni mulikana ka, Muzwale West. Ha ni si ka mubona kale fainezi, mwa muyaho; eeni, kele Ni mubona cwale, kakusasana cwana. Mi mwa ziba butelele bwa musipili ko ku zwanga sicaba sani ka limota, bazwa koo kwa—kwa Alabama, la Sunda, kutaha kwanu, kuzwelela koo mwa Alabama!

<sup>13</sup> Muzwale Welch Evans, Ne ni si ka mubona la Sunda yefelile. Kuna ni ya bulezi kuli naliteni mo kacenu. Batu bani ba kobocanga limota limota kuzwa kwa Tifton, Georgia, kuli babe mo. Mi muzwale yainzi fa yoo, balikani ba hae. Ki babañata fela! Muzwale Palmer yazwa kwa Macon, Georgia. Mi Na bona, Na lumela, Kezeli Ungren ni babañwi kwa mulaho kwani. Kaufela bona ba zwa kwa Memphis, Tennessee. Cwale, mu nahana kuli. . .Mi babañwi bazwa kwa libaka zeñwi. Ni katani fela kalibe kwanu ya zwelela kwani, kwa South Carolina.

<sup>14</sup> Cwale, mu nahana kuli sicaba mo. . .Ne ni sweli kutalimela kuzwa kwa Chicago, ni libaka zeñwi zeshutana, ku koboca limaili ze mianda anda, kuli batahe fela kwa sebelezo. Mi, ha ba fita kwanu, hakuna sibaka mwa kuina. Kusina neba sifukiso sa moya o bata mwa sibaka; mwa muyaho wa kale, ku to yemelela, inge ba itaula mifufuzo. Ba ngile masheleñi fa tafule, ana lukela kufiwa banana, kutaha kwanu ku to teeleza Liñusa. Mu ni bulelela kuli hakuna mu. . .kwabuse mwa kanuka ka, kokuñwi, kuli kuna ni sibaka ko ba kaya, leliñwi la mazazi aa? Luli, ki foo cwale. Boo ki busepahalli! Batu bao shangwe balifa za bulishumi zabona. Ha ki kuli batahanga fela, batisanga ni zabulishumi za bona ni lineo, mi ba li tisa mwa ndu ya Mulena, balika kueza ze lukile. Mulimu kaniti afuyole sicaba se si ipile cwalo! Sishemo sa Mulimu ni be ni bona.

<sup>15</sup> Ni bona mulika na, Charlie Cox, babazwa kwa mboela wa Kentuck kwani. Mane kai ni kai, hamutalima kwa ni kwa, mu bona batu baba zwelela kwa libaka kaufela.

<sup>16</sup> Mutangana yo yainezi faa, ha Ni sa ziba libizo la hae. Ne ni mu katani mwa Chicago. Kono uzwa kwa sikolo sesiñwi sa Bibeke kwahule koo, kokuñwi, nji cwani? [Muzwale uli, “Springfield, Missouri.”—Mu.] Springfield, Missouri; Assembly of God Bible school. Eeh. Kihande, kibunde. Mwa bona, bazwelela kwa libaka kaufela, kutaha mwa ka keleke kakanyinyani ka.

<sup>17</sup> Munahane fela, kaza, mwendi ka myaha ye mashumi amalalu kwa mulaho ha Ni toma licwe la mwa lilulu kakusasana wani, Ne ni yemi kwanu mwa mukwakwa obizwa Seventh Street, ki butelele fela kulikana ni patelo iliñwi. Ne ni si ka nyala kale, nenili fela mucaha. Mi Na bona pono ya sicaba sesiñata mi ne ku fufula batu babazwa kai ni kai. Mi Ne ni tabile hahulu, inge ni yemi kwa mulaho wa katala. Mi fani kona Ha ni bulelela, “Kono ye ha ki tabernakele ya mina.” Mi Ani inisa fafasi mwatas’a lihalimu. Mi mwa ziba mafelelezo a likande liñozwi kaufela kwa likepe la Bibeke le li beilwe mwa lilulu mwani.

<sup>18</sup> Ni itumezi hahulu ku mina sicaba see. Ha ni koni. . .Kuli, yeo ki nto yenyinyani, ku—ku bulela fela, “Kihande, Ni itumezi ku mina.” Kono Na mi lapelela kwateni. Na mi kolwa. Na lumela mwa kutwisiso ya mina ka za Mulimu. Ha ni lumeli kuli muuna kamba musali wakona ku koboca mota ka mianda anda ya

limaili kutaha kwanu, ku to bonisa liapalo ze ba tinile. Ha—Ha ni sepi kuli bakona kueza cwalo. Batili. Habakoni kutaha kwanu ku to boniwa fela. Ba tahanga kwanu kakuli ba bata puluso ya mioyo yabona ka tukufalelo luli. Tapelo yaka kikuli: “Mulimu ni tuse, ni tuse kuli ni be kwateni yasepahala mwendi licika la zeo fela, ka kulika ku ba kutaza ka pilu yaka kaufela, ni talimile ku Mulimu.”

<sup>19</sup> Liñusa, mwa bona, kakusasana cwana, liswanisizwe fa limati lelinsu le faa. Mane ki kupanga fela, kutatulula fela haninze Ni ya cwalo, kulika kueza kuli mu utwisise se Ni ambola fateni.

<sup>20</sup> Mi *Lisunda Ze Sebente Za Daniele* ye ibile tuto yeñwi yetuna, mazazi amabeli ni masihu amabeli, cwalo, Ni bile cwalo, kwa mafelelezo a sunda kwanu, Ni bile ku yona, kulika kufumana manzwi a kubulela ka Niti. Ina ni kubapanyiwa hande ni zeñwi za Bibe. Mwabona? Hamukoni fela ku ikungela Zona, kuli Liñolo li liliñwi fela ni kueza mu—mu mukwa wa kutwisiso, mi ni ku bulela kuli, “Kihande, se kona se si bulelwa ki se,” mi ni kufetuha ni kubulela kuli, “Kihande, kono haili fa I—I bulela nto isili fela, ye lwanisana ni *ye*.” Halikoni kuba cwalo. Lina ni ku bulela taba yeswana ka nako kafuela. Haiba mu sa ezi cwalo, kupalañi, foo, kipeto mwa—mwa fosa. Mi kona mo Ni likezi ku Li luta ona cwalo.

<sup>21</sup> Ni bulele cwana, fa matepu fo, bakeñisa kuli ki matepu, twaniso yetuna ye Ni nani yona ki fa matepu, a mizwale yaka mwa libaka ze shutana za lifasi, ya kulumela mwa sishemo sa Mulimu, ya kuluta mo Ni lutelanga, kuli, “Ne lu lemuhilwe kale ku zwa kwa makalelo a mutomo wa lifasi.”

<sup>22</sup> Mizwale yaka ya Pentekota, eni sha, Ni ziba kuli mubonelo wa mina ki wa neku la milao, mwabona, mi Na—Na ziba kuli kinto ye filikanya nyana kwa mubonelo wa mina. Kono kana kikuli mina, kakuba muzwale wa Mukreste kikuli mu ka nahana fateni fela hanyinyani kuli mukubame ku Mulimu ka mañwele, ni Bibe ya hao, ni ku kupa Mulimu kuli aku tolokele zona? Kikuli uka eza cwalo? Kikuli mwakona kunga siemba sa neku la milao ni ku si tamahanya hande kukalela kwa Genese kuisa kwa Sinulo?

<sup>23</sup> Ni, “Peu ya noha,” yani ya bulaya; batu ba bañata ha ba lumeli cwalo. Kono, haiba mukona fela kubala mwa Genese, Bibe ibulela kuli ki peu ya noha. “Mi Ni ka beya toyano mwahala peu ya noha ni Peu ya musali.” Kacwalo, noha ne ina ni peu. Mi haiba peu ya noha neli ya moya, kipeto Jesu ne si mutu, kacwalo Peu ya musali neli ya moya. Bubeli bwa bona nebana ni lipeu, mi toyano i sa liteni. Noha neina ni peu. Mi haiba mu ka nga fela Bibe yamina, ni kushetumuka ka kuba ni likute hande fapila Mulimu, Ni lumela kuli Mulimu uka li patulula ku mina.

24 Mi ha mu sa li utwisisi, Ni—Ni teni, ka nako kaufela, kuli nieze zende ze nikona kuli ni mi tuse, ka liñolo kamba ka—kamba ka lipuzo zakuba hamoho, kamba nto yecwalo ye Ni kona ku mi tusa kayona. Kakuli, lu lemuha kuli zeo ha li pilisi mutu, kamba neba kunyaza mutu, kono fela litisa Liseli fa tuto yelusweli kaufela ki kulika katata kuli nituse sicaba kubona. Mwabona? Li tisa fela Liseli.

25 Cwale, kwa sicaba se si bonahala, Ni bulezi cwalo kakuli matepu, mwa bona, mi matepu aa aya kamukana, kai ni kai.

26 Cwale ha lu inamiseni litho zaluna fa nako nyana, lusika atumela kale Muña Linzwi lee. Mi ki ba bakai mwa sicaba mo kakusasana cwana baba tokwile, mubulele fela kuli, “Ni tikwile. O Mulimu, uni utwele butuku”? Mulena afuyolwe. Mi ku bani baba kateeleza kwa tepu, ha mu ka i utwa, Mulimu a alabe kupo yamina.

27 Ndata luna Yakwa Lihalimu, lu sicaba se si itumezi, ibo lu sicaba se si sa lukeli. Kono lu atumela Libona lwa Hao lwa sishemo kakusasana cwana, kakuli lu memilwe kuli lutahe. Jesu naize, “Amuka kupa Ndate sika kaufela ka Libizo la Ka, Ni ka sieza.” Cwale, lu ziba kuli yeo ki niti.

28 Mi haili mo mwa sicaba, ni kwande koo mwa—mwa naha ko kuya matepu, ku kaba likitikiti mane za Bakreste ba ba pepilwe sinca ha ba utwa se. Mi lwa ziba, Ndate, kuli ha lu pepilwe sinca, kikuli moya waluna upepilwe kwa Lihalimu. Ki Moya wa Mulimu, ili Moya o Kenile, fahalimwa luna. Mi lu lemuha kuli Moya o Kenile una ni mata hahulu mi ukona ku lu kueza kaufela se lu lakaza kuli siezwe. Mi, Ndate yakwa Lihalimu, lu kupa ku Wena kuli ulumeleze tumelo ya luna kwa Moya wani, kuli Ukone ku lu bukeleza kakusasana cwana, ni kwa kanya ya Mubuso wa Mulimu, likupo ze kaufela ni ze lakalizwe, kuli lukone ku foliswa kwa matuku aluna ni matata, kuli lukone kusebeleza Mulimu waluna ka ze li ku luna kaufela.

29 Kwalula lizebe zaluna za kutwisiso kacenu, mi sina ha Ni lika cwalo kutisa puzo tuna ye, mi u li tatulule hande mwa maikuto a sicaba. Cwale, Ni i ñozi kulo fa, Mulena, fa pampili, mi hape ni ku iswanisa fa limati, siswaniso see, kono hanina mata a ku li tatulula. Cwale lu Ku biza, Muluti yomutuna Yena yañozi Linzwi, Ya Li susumelize, Ya Li file ku mupolofita Daniele. Mi lu lapela kuli U lume susumezo kakusasana cwana, mwa mazazi a mafelelezo aa, mi Abulela kuli Buka ika kwaliwa konji ka nako yona yee foo Uka kwalulela kutwisiso. Mi hakube tumelo yebunolo mwa lipilu zaluna ye ka lumeleza Linzwi kukumalela ni Bupilo, ni kumelisa likota za kuluka mwa lipilu zaluna, ze lelilwe kuli Li tahise. Tumelo yaluna ku Mulimu, ha i lu bulukele seo kakusasana cwana. Kakuli lu libelezi ka buishuwi, ni kuipa ili luna ku Wena, ka Libizo la Jesu Kreste. Amen.

<sup>30</sup> Cwale, lu itumezi ka kakusasana wo, ka kolo yetuna cwana hape kuli lu apule makepe a Linzwi la Mulimu la Kuyakuile lee.

<sup>31</sup> Cwale, libaka le Ni ngezi katata ka kulika kutatulula taba ye, kakuli lu sweli kufita mwa Buka ya Sinulo, mi kona lu sa zo feza fela masika a likeleke zesupa. Mi, cwale, kwa mafelelezo a kauhanyo ya 3 ya Buka ya Sinulo, Keleke yangiwa kuzwa fa lifasi, ikambamela mwa Kanya. Mi Na lika, ka pilu yaka kaufela, kuli nikenye se mwa batu, kuli ba libelezi taba yeñwi kuezahala, ze ba bona liñozwi mwa Buka ya Sinulo, ze ne si yo mwa lusika lwa keleke. Mi se luli fakaufi ni maungulo kufita mo mu nahanela.

<sup>32</sup> Masihu nyana afelile, Billy, waka . . . Kamba, mukwenyan'a ka, ni taluse, na ni bizize, neli mwahal'a busihu luli, mi abulela kuli nekuna ni muuna yana bizwa Andy Herman, yali muhaesu ki mwana bo malume, na lobezi, na shwela mwa sipatela. Na zwela teñi ku yo mubona. Ne ba mu nwisize mulyani obuhali, Na . . . hahulu mane, kuli mane alobala, mi Na palelwa kuambola ni yena. Kakusasana habusa . . . Na kupa Mulimu kuli amu buluke inza pila kufitela Ni fita. Andy ki muuna yomunde, kono fela na si Mukreste kihona. Ha ki malume; ki mwan'a bo malume, unyezi musizana wa bo malume.

Mi cwale bo Aunt Ade ba ni bulelela, inge ba yemi fani, se bali, "Billy, myaha ye eite ye kaufela ya bupilo bwa hae, ha si ka sebeleza Mulimu. Kono," ali, "lisunda nyana zefelile neli mwa ndu . . ." Yena, myaha ye eite, eni sha, hakuna misebezi yebukiti ya sebezanga. Kono ali . . .

A mu punda libizo mi ali, "Ade, kana wa ziba? Krete natile fapila ka fa, mizuzu nyana fela yefitile."

A mu talima, ali, "Andy, kikuli—kikuli . . . Ki butata mañi?" Ki hali . . .

Ki hali, "Batili. U yemi ona fapila ka fa, mi Ubulezi taba yeñwi."

Ali, "Kiñi Sa bulezi?"

"Se li manzibwana kufita mo mu hupulela."

<sup>33</sup> Mwa lisunda nyana kuzwa fani, lisunda zepeli kamba zetalu cwalo, a omelela ka sitiroko mi alobala mwa sipatela, ali mwa makateñi. Na li, "Bo Aunt Ade, maswabi kumina ka ku sa ni biza kamba usili, kubeya pilu ya hae mwa hola ye yafitile kuyona cwale."

<sup>34</sup> Na kupa Mulena, habusa kakusasana, ha Ni . . . Na sa buleli, kacwalo Na bu muza fela. Na li, "Kikuli wa ni utwa, Malume Andy?" Mi a—a nyunga toho ya hae hanyinyani ni ku shenyisa mitahali ya hae. Na mu lapelela, na mutusa mwa ku kupa swalelo fapila Mulimu. Ne ni bata ku mu kolobeza, mi Aunt Ade na bata ku kolobezwa.

35 Mi Na shetumuka mwa muyaho wani, ku yo bona kalibe ya pila bukafu fela kwanu, yo ne ba bata kuisa kwa sipatela sa baba takana mwa toho, mi Mulena a mu ezeza nto yetuna, akuta kwa ndu.

Mi, fa musipili wa ku kambama cwalo, Na katana kezeli yomunsu, mi ki hali, “Naa ki wena Muzwale Branham?”

Se nili, “Ki na.”

Mi ali, “Wa ni hupula? Kina musala Bo. Drye.”

36 Mi Na li, “Ee, Na lumela Na kuhupula. Pete Drye ni babañwi.” Na li, “Eehe, Na—Na ku hupula.” Atalima mwa sibaka, mi ha lu ma no eza cwalo. . . Na komoka za na bulelezi cwalo. Mi, kwani, bo Malume Andy ba zuha mwa mumbeta, ni kuina fani, inge ba nyunga mazoho abona ni minwana ona cwalo inge mutu usili kaufela, kulika kufumana lika, taba ya mumbeta yani, kuli ananuhe fani mi azwele fande. Cwale ba taha ku to kolobezwa ka Libizo la Mulena Jesu, mi ki yena ni musala hae.

37 Kacwalo, kono zene Ni bulelezi zani, kikuli seli manzibwana kufita mo lu hupulela. Mi Ni lumela kuli *Lisunda Ze Sebente Za Daniele* ze li ka lu tusa kuutwisisa.

38 Cwale, buñata bwa mizwale ya hesu ya Mapentekota, bao Ni bulezi nako nyana fa tepu, kuli ba ka kakanya ka Yona. Ba libelela taba yetuna, yeñwi ku ezahala. Mi, mizwale yahesu, haiba mu ka teezeza katokomelo, mi kusina. . . mi amuteezeze, mu ka fumana butuna boo, kuna ni se si mata sesiñwi se si ezahalile. Jesu atuha akuta.

39 Keleke i ingiwa mwa kauhanyo ya 3 Sinulo. Hakuna ze bulezwi mwani ka se ziñwi, kono fela nto ya mafelelezo neli mulumiwa wa lusika. Mi, lu ka talimana ni Majuda kufitela kutaha hape kwa Munyaliwa, mwa kauhanyo ya 19. Kuzwa mwa kauhanyo ya 6 kuisa kuya 19 kaufela ki Bujuda.

Foo kona fo Ni bata kufita ku muzwale waka yomunde fa ka nako ya Maswayo aa, Muzwale Wood, ya na banga wa Lipaki za Jehova sapili, yena ni baha lubasi lwa habo kaufela, ona fa kakusasana cwana, kuli bani ba “handeleti ni fote-foo sauzande” ne ba si, hakuna ze ba eza ni Bamacaba. Ki Majuda. Mwabona? Mi ha ki Mubili wa kunutu wa Krete mwa lifasi kacenu.

Munyaliwa ki yena Mubili wa kunutu wani. Ka Moya o Kenile lu kolobelizwe kuona Mubili wani wa kunutu.

40 Cwale, lu ziba cwalo mwa Buka ya Daniele mo, mo lusweli kubala, lu ka bala fela hape kakuli ki Linzwi la Hae. Mwa kauhanyo ya 9 ya Daniele, timana ya 24.

*Fahalimu a sicaba sa henu ni fahalimu a munzi wa henu o kenile, kusa ipeya kufeke, . . . sibi si takulwe, bumaswe bu lifiwe, ku tahiswe kuluka ko ku kaina*

*kamita, ku tiiswe pono ni bupolofita, mi ku tozwe sisa se si Kenile hahulu.*

timana ya 25, “Mi u zibe cwale mi utwiseze, kuli kuzwa . . .” Cwale, zeo kona ze lubile lubulela, mi ne lu yemezi ona foo Sunda yefelile busihu, “kutoza sisa se si Kenile hahulu.” Fa kona fo lu kalela kakusasana cwana, fa timana ya 25. “Mi kabakaleo . . .”

*U zibe taba u i utwiseze, kuli kutuha kwa taelo ye bulela kuli ku ka zuswa u yahiwe kufitela Jerusalema (woo “kona munzi wa henu o kenile,” mwabona) kufitela . . . Mesia Mulena ya tozizwe a bonahale ku ka fita lisunda ze sebene, mi cwale ka lisunda ze sikisite-tuu: mi munzi uka zuswa sinca, ku yahiwe mapatelo ni makwakwa a ona, kono ikaba mwa mazazi a manyando.*

*Ha ku felile lisunda ze sikisite-tuu Mesia uka bulawa, kusina mutu ya ka mu yemela: sicaba sa mulena yomuñwi ya ka taha si ka sinyu munzi ni ndu ye kenile; kono mulena yoo uka fela inge ya kukiswa ki muwunda kokutuna, ku se kulelilwe kuli ku shandauka ku be teñi.*

“Mi . . .” Cwale muhupule, ao kona mafelelezo a ndwa. Luna ni zona fa limati fa. “Mi,” cwale lu kala nto isili fela.

*Mi uka iswala bulikani bobutiile ni babañata ka sunda ilinwi: mi fahali a sunda i li ñwi uka yemisa matabelo ni linubu, mi ku ka bonahala ze masila ku bonahale ni sisinyi se si shandaula, (kufelile, kihona), kufitele mane nako ni taelo ya kuli buhali bu sululelwe sisinyi.*

<sup>41</sup> Oh, haki tuto ni yeo! Ne ni bulelela musala ka zazi leliñwi, “Ha ni sepi kuli kuli batu ba li utwisisanga.” Cwale, Ni bata kuli mu li utwisise. Musike . . . Haiba mina, lu ka ba ni kuina mo musihali kaufela, muine fela. Cwale, lu—lu—lu bata ku li utwisisa. Mwabona? Lu—lu bata ku ziba se sili Niti. Mi, mina, haiba fela mukona ku libona! Mi Ni ka mi kupa, mwendi . . .

<sup>42</sup> Mi cwale, kasumulaho, Ni ka siya siswaniso inge sipahakilwe fa, mi muka—muka i swaniseza sona, kasumulaho. Mutahe kwanu musihali wo, nako kaufela ye mu bata, ni ku to swanisa siswaniso seo ni zeñwi. Si ka mi tusa ku utwisisa. Kona libaka le Ni si beezi fani, ili kuli mu si utwisise.

<sup>43</sup> Cwale, ha lu fitulukeni mwatani hanyinyani kuli lu be ni makalelo a taba. Cwale nekuna ni . . . Daniele na bilazwa ki sicaba sa habo, kakuli na balile za Jeremia mupolofita, mi a utwisisa kuli Jeremia na bulezi kuli ne ba kaba mwa butanga ka myaha ye mashumi a supile. Mi cwale, abona kuli ne se bali mwa butanga ka myaha ye sikisite-eiti, kacwalo a ziba kuli nako neili fakaufi. Kacwalo a tobaha misebezi ya hae kaufela, ahohela mwatasi, mo lukona kubulelela, mipateho ya hae ya ka zazi. A talimisa pata ya hae ku Mulimu, a apala masaka ni kutola mufuse, mi aitima lico ni kulapela, kuli akone ku utwisisa nako



yani ha ne i sutelela cwalo. Mi lufumana kuli, sina ha Ni bulezi sapili . . .

[Muzwale Branham u ambola ni yomuñwi fa katala—Mu.] Sikulula nto yeo, italime neku *lani*, hanyinyani fela. Sifukiso sa moya, sisweli kukasha hahulu katata. Sa ni silelisa linzwi. Mi . . . Ni itumezi, muzwale.

<sup>44</sup> Cwale, kuli lufumana zeo, Daniele, na bata zibiso ye kwa sicaba sa habo. Mi Na nahana, haiba Daniele, nasweli kubala za bapolofita bene bali fapili a hae, mi nana ni kutwisiso ya mufuta woo, kuli nali fakaufi ni maungulo, mi abata Mulimu, kuli afumane mo ne babezi bukaufi, mi Ni nahana kuli lu ka swalelwa, ka kubona kuli lu kwa maungulo a nzila cwale, kusina kuapala masaka ni kutola mufuse, kono lu hane lika za lifasi, ni lipilaelo za luna za bupilo boo, ni kubata Mulimu, kuli lufumane kuli ki lizazi mañi mwa mwaha leluli kulona, kakuli lubona kuli lu mwa maungulo, ni kuli Keleke ika itima lico ni kulapela ni kuba ka kuitukisa. Kona libaka ha Ni lika ku ikungela litaba ze na ninosi . . . Kusina kuziba mwa ku tolokela se, kakuli Ni i fitelezi nako ni nako, ni kubulela kuli, “Lisunda ze sebente za Daniele zeo,” kakuli Ne ni sa li utwisisangi. Mi kona ha Ni ngile taba ye ka mayemo aka cwale, ka kulika ku li tatulula. Mi Na lumela, ka tuso ya Mulena, Ni kona kuezza ka sishemo sa Hae, ku li tisa kai ni kai, ku mi bonisa mo lubezi bukaufi ni Kutaha kwa Mulena.

<sup>45</sup> Cwale, Daniele na si yalezwi fela ki myaha yemibeli. Mi lu fumana cwana, kuli, hanali mwa tapelo, Lingeloi, Gabriele, a akufela ku yena; mi ne li si ka tolokwa ku yena sicaba sa habo fo ne si ka yo zwela mwa butanga, kono, hape, kaufela zeo ne li tomezwi sicaba sa hae, kaufela zeo ne li siyalezi sicaba sa habo. Ki hali, “Kuna ni lisunda ze sebente ze silalezi Majuda.”

<sup>46</sup> Mi, lu fumana cwana, kuli Nana ni milelo yesilezi. Mi alimuñwi wa bona, na lukela kufelisa bumaswe; mi—mi ni kuzwisa sibi; kuli ku sa ipeya kufeke; kutisiwe kuluka ko ku kaina kamita; kutiiswe pono ni bupolofita; mi ku tozwe sisa se si Kenile hahulu.

<sup>47</sup> Mi ne lungile, Sunda yefelile kakusasana, Daniele mwa buino bwa hae kwani, na lapela. Sunda yefelile manzibwana, ka kufa Mañolo, ili kuli batu ba ipalele ha ba yo fita kwa malapa. Kikuli ne mu i lo ibala? Kana ne mu itabezi? Kihande!

<sup>48</sup> Cwale, mulelo wa litaba zesilezi. Mi lu fumana cwana kuli, fa mulelo wa busilezi wo, “ki kutoza sisa se si Kenile hahulu,” lu fumana kuli “sesi Kenile hahulu” kamita si yemela Keleke, yona Tabernakele. Mi taba ya mafelelezo ye nelukela kuezahala, neli kutoza sisa se si Kenile hahulu, yani kona Tabernakele ya Mileniamu mo Aka to pila ka nako ya puso ya Mileniamu, mo lu ka to pila.

49 Cwale, kacenu, cwale kifo lu atumela, “Lisunda ze sebente kinto mañi?” Mi se kona siemba sa butokwa hahulu, lisunda ze sebente.

50 Cwale, lu ziba kuli Mañolo hakoni kubulela buhata. Ana ni kubulela Niti. Mi haiba Lingeloi le Gabriele litaha ku Daniele kuli kuna ni fela lisunda ze sebente ze siyalezi Majuda . . . Cwale, lu ka zamaiseleza hamoho zeo ni lizazi la busikisi . . . kamba sunda ya bu sebene. Kono, mwa bupolofita kamita lifiwanga ka linguli.

51 Mi kacwalo, hakuna ku kakanya kuli ka lusika lwani, kubile mianda anda ya batu, baituti, baana baba tiile, babalika ku tatulula se litalusa lusunda ze sebente zee. Mi Ni balile buñata bwa litaba ze ba tolokile kuyona. Mi Ni itumezi luli ku Bo. Smith, ba keleke yaba Adventist ba sabata, ka minahano yabona. Ni itumezi luli ku Dr. Larkin, ka mubonelo wa hae. Ni itumezi kwa baituti babatuna ba kaufela, ka mubonelo wabona fa taba yee. Mi ka ku ipalela zona, li ni talifisa hahulu, kuli Ni kone kufumana libaka ze bonahala hande. Kono kufumana mubonelo wa kuli Ni—Ni hupuzi kuli Ni tatulule nyana, Ni batabatile mwa buka yetuna ya litaluso za manzwi, kaza “nako,” kuli nibone seo “nako” italusa.

52 Mi lufumana cwana fa, luna ni “nako, nako, ni kuabiwa kwa nako.” Kanti *nako* kinto mañi? *Sunda* kinto mañi? Cwale, se ibile myaha ye sili sauzande, foo handeleti ni mashumi amalalu kwa mulaho, kuzwa ka nako yani, kuzwa nako Mulimu ha kala kubelekisana ni Majuda; myaha yemiñata, ñata kwa mulaho. Daniele nali B.C., mi nako yani neli B.C. 538, 538 myaha Kreste asika taha kale, ha na bulezi ka za “nako, nako, ni kuabiwa kwa nako.” Mi, lisunda ze sebente, amubone koo lisunda ze sebente ne li ka muisa. Kiñi, na sa li mwa Babilona, ka lisunda ze sebente, mi niteñi Mulimu amu bulelela kuli yani kona nako fela yene tomezwi sicaba sa habo.

53 Cwale, keleke yaka mo i ziba kuli mwahala myaha kaufela Ni bile ni mi bulelela zona, “Haiba mubata ku ziba lizazi la sunda kuli ki lifi, mutalima fa kalenda. Kono haiba mubata kuziba nako ye lupila kuyona, mutalima Majuda bani.” Yani ki yona nako yelufilwe. Mulimu na si ka toma linako lisili—lisili ku ba Macaba; nekusina nako yeshutana. Mi foo kona fo Ni nahana kuli bañoli babañata ba lyangani, mi ne ba lika kulikopanya ku Mujuda ni wa Bamacaba, kakuli Na ize, “Sicaba sa henu.” Kono Na ambola ku Daniele, isiñi kwa Keleke; sicaba sa Daniele, bona Majuda. Kambe Na ambola kwa Keleke, hamukoni ku li swanisisa zeo kai kamba kai; mu—mu kwa mulaho hahulu, kafoo neba kutaha kwa Kreste ku si ka ba kale. Halikoni ku zamaelela ni lisunda za sipolofita kaufela mo mubata ku libeya. Se li zwile kale mwateni. Kono Na sweli kuambola kwa Majuda, kacwalo he Majuda kona waci ya nako ya Mulimu.

<sup>54</sup> Mwa hupula kwanu, ha ki kale hahulu, fani Muzwale Arganbright, wa kwa California, mubakweli wa mueteleli wa katengo ka ba International Full Gospel Business Men's Association, ataha kwa ndu yaka mi atisa te—te tepu; mi isiñi tepu, kono neli—neli filimu, ye ba . . . yeli *Mizuzu Yemilalu Kuli Ibe Fahali Abusihu*. Ne i fumanwi mwa lipatisiso za sayansi. Ha Ni yo bona Majuda bani inge bakuta, kukutela kwa Jerusalem, Na taha kwanu kwa tabernakele, mi Na li, “Ni ikutwa inge kuli Ni bile ni kubaka sinca.” Buñata bwa mina mwa hupula. Na li, “Ku bona Majuda bani inge ba kuta!”

Jesu naize, mwa Mateu kauhanyo ya 24, “Ha mu ta bona kota ya feiga i shoshela matali.” Mu ziba ze libelezi kuezahala, mwabona, ki Majuda baba kuta!

<sup>55</sup> Cwale, Ni na ni litaba nyana ze ñozwi faa. Ni tabela ku kena ku zona. Cwale, cwale, Nika—Nika linga ka kuiketa, kuli mukone kuli ñola. Cwale, ze kaufela za ezahala, ze . . . Cwale luna . . . Ka nako ye luli kuyona cwale, kaufela liezahalela kwa . . . Ki Majuda; hakuna ze ezahalela kwa Keleke, ni hanyinyani. Kaufela kuzwa mwa Sinulo kauhanyo ya 3, ku yo punya ni kuya 19, haina neba nto iliñwi ya kueza ni Keleke. Hamukoni ku li hapeleza kuli liswalisane. Ha li yo mwateni fela.

<sup>56</sup> Cwale Ni bata kutatulula mo Ni fumanezi taba ye. Cwale, fa limati, buñata bwa mina mu ka bona kuli Ni li swanise, ku li alula hande ka linako, mo li tahezi mwa sibaka sateni, ili kuli mañi ni mañi a li utwisise. Kikuli mwa . . . Hamukoni kubona hande kwa mulaho, Na sepa, ki miñolo yesisani. Mi wani ki muñolo wa Becky. Ni hupuzi kuli . . . Mi, siswaniso sani, Ni bile ni sesiñwi se si maswe hahulu. Kono, Becky ki yena yana swanise seo, ili siswaniso sa tolo ya Nebukadinezare. Mi Ni sepa ibonahala inge musizana, Becky, kufita kubonahala inge muuna. Kono, niahkuli cwalo, sika—sika toloka hande zibiso, ye lu bata.

<sup>57</sup> Cwale, haiba lubala mwa Bible kuli ku na ni lisunda ze sebente ze tomezwi sicaba sa henu, cwale, zeo . . . halina za kueza ni Keleke. Lisunda ze sebente halina za kueza ni Keleke. Haiba mu lemuhaku kulo faa, fa siswaniso, Ni na ni lusika lwa keleke mwahal'a lisunda ze sebente zani.

<sup>58</sup> Luna ni yona faa. Muzwale yomuñwi mwa Georgia na lu swaniselize sona kwanu, sina ha lu fitile mwa masika a likeleke. Mi luziba hande kuli lwakona ku utwisisa ze si talusa. Busweu bo mwa keleke ye, butalusa kuli ki buapositola. Mi cwale mwa lusika lwa keleke ya bubeli, nebani tuto ya Manikolai, kamba, nebana ni misebezi ya Manikolai; ne i si ka ba kale tuto. Lusika lwa keleke yabulalu, ya to ba tuto. Mi mwa lusika lwa keleke yabune, ya to ongaongiwa, mi ya fetuha Roma yabu Popu. Mi mwa—mwa lusika lwa keleke ya bune, lwani neli lusika lwa lififi.

Mu lemuhe, lififi kaufela fani li yemela Bunikolai, kamba Buroma. Siemba se si sweu siyemela Moya o Kenile, ki Keleke. Mi, sina mo ne li kalezi mwa nako ya Muapositola Paulusi, Keleke kamukana ya ba apositola ya tala ka Moya o Kenile. Mi kwa kala kutaha baika babatuna mwatani. Mane kwa mafelelezo ba ikopanya ni kueza keleke yenca ye zwile ku zona. Mi ka keleke nyana ka cisiwa, ni ku pwacaulwa macwe, ni kufepiwa kwa litau, ni lika kaufela.

<sup>59</sup> Mwa linako za Kuongaonga ko ku tahile ka Luther, kwa taha liseli nyana, mwa bona. Mwa mazazi a Wesley, kwa taha liseli lelituna nyana kwatani. Kono haili mwa lusika lwa keleke ya mafelelezo mo, lusika lwa keleke ya Bunikolai, lwani kona lusika mo luna ni . . . Isiñi Bunikolai, kono wa Laodesia, kona lusika mo lu pila. Mu lemuhe, hakuna hahulu Liseli leliñata.

<sup>60</sup> Yomuñwi, ha na boni siswaniso sateni fahalimu fani, ali, “Maswabi ku wena, Muzwale Branham! Lizazi lelituna le la lituto ze zwile mubano!”

Na li, “Ni ka nahana fateni, ha se sifitile fafasi, seo mane ha si lumelelani ni zona, ha u se uli ya lukile mwa pilu, ya pepilwe sinca ka Moya.” Muhupule, lo neli lusika lwa keleke moo Krete na lelekezwi kwande a keleke ya Hae Tota, ku bona kamukana. Lu na ni kabulelelo, kono, “Kana luna ni ze lukela kufumanwa nji?” kona ze lu ambola. Kana Krete luli u mwa keleke naa? Li kaba fela mwa batu babanyinyani fela.

<sup>61</sup> Cwale, cwale ha lu yaleñi hande lisunda ze sebente za Daniele. Cwale Nakona ku kutela fateni fo hape; bakutazi ba Evangeli, haiba mu sa lumelelani ni se, ku lukile. I abilwe mwa likalulo zetalu, sina ha lu fumani cwalo mwa Daniele 9. Mwa likalulo zetalu. Pili, ki kalulo ya lisunda ze supile; kutuha fo kutaha mashumi asilezi ni zepeli, ili sikisite-tuu; mi kona kutaha nako ya sunda iliñwi. Li abilwe mwa likalulo zetalu ze shutana.

<sup>62</sup> Cwale, Ni na ni zona liabilwe fa limati. Nako yapili; nako yabubeli; mi ka kutwisiso yaka, ka Evangeli, ka Moya o Kenile, kuli, nako ya mafelelezo, Mulimu ukutela hape kwa Majuda.

<sup>63</sup> Cwale, lwa ziba, ka Evangeli kaufela, kuli Paulusi na lutile, ni babañwi, kuli Mulimu uka kutela hape kwa Majuda. Kihande, cwale, haiba Uka kutela hape kwa Majuda, lukona ku libeya cwani mwa nako ya Daniele? Lu swanela ku libeya mwa lusika lwa mafelelezo loo. Mi ki kasumulaho wa Keleke ya Bamacaba ha se i ile, kakuli U talimana ni Isilaele kakuba naha, luna sina mutu anosi.

<sup>64</sup> Cwale, Ni na ni ze ñozwi fa zeo Ni tabela ku mi balela halunze lu ya cwalo. Cwale:

. . . *kutuha kwa taelo ya kuyaha sinca Jerusalema* . . .

Yeneli, ka lizazi la 14 ka kweli ya Liatamanyi. Haiba ufi wa mina kaufela ubata ku iñola, mwa Siheberu mu ka i fumana

ibizwa *N-i-s-a-n*, *Nisan*, ili kotalusa kuli “Liatamanyi.” Taelo yeo neifilwe la 14 ka kweli ya Liatamanyi, b.c. 445, taelo yafiwa ya kuyaha sinca kwa tempele. Mu utwisise, sina mina sicaba ha mu balile Mañolo. Kufitela ha i yo fela kuyahiwa, nekungile myaha ye mashumi amane ni zeketalizoho ka zene kuli kufelelezwe kuyahiwa tempele ni munzi, ku liyaha sinca. Mi sina Bibehe ha i bulezi fa, Daniele wa bulela, kamba Lingeloi ku Daniele, kuli:

. . . *mamota*, mi aka yahiwa *mwa linako* za ñalelwa.

Mi buñta bwa luna lwa hupula, ha i to yahiwa, nebana ni sitina mwa lizoho leliñwi ni mukwale ku leliñwi, inge ba talimezi sila. “Mi i ka yahiwa mwa linako za nako.”

<sup>65</sup> Kacwalo, fa kona fo Ni fumani zeo, mwa mazazi aka. Cwale, luna ni zepeli za makalelinda ashutani. Lu kutela kwa kalenda ya kale ya za linaleli, mi lufumana cwana kuli ki kalenda yaba Julian kuna ni mazazi a sili-handeleti ni sikisite-faifi ni lizazi leliñwi la bune mwa mwaha sikwetikweti. Ba ziba lipalo zatani ka muzamao wa Sardis ni linaleli ze shutana, ni zeñwi cwalo. Kona mo ba li balela. Cwale lu fumana cwana, mwa kalenda ya Maroma mo lupila cwale, mazazi a sili-handeleti ni sikisite-faifi mwa silimo, ka kalenda yateni. Kono ku ya Bukreste, kamba kalenda ya bupolofita, lu fumana kuli kuna ni fela mazazi a sili-handeleti ni mashumi a silezi mwa silimo. Cwale, mwakona ku komoka kulyangana kwa m one kutahezi.

<sup>66</sup> Cwale, se Ni kona kubulela kuli kina ya si bulela. Ni lumela kuli kwa mulaho kafoo ku si kaba kale sinyeho ya muunda, kwa mulaho mwa mazazi a Jakobo, ni zeñwi cwalo, kuli ne ba buluka nako ka linaleli. Mi lwa utwisisa, kamba kwa mulaho wa nako yeo, fani lifasi li sa yemi hande. Mi cwale mwa sibi sa mutu, kusinyeha kwa lifasi, mi la sikama mane muunda wa taha, kabakaleo luna ni mezi amatuna a kangezi, ni zeñwi cwalo, mi fahlimu kaufela ni mwatasi kutezi fela mezi a kangezi. Lwa ziba cwalo. Mi lifasi ha li si ka yema hande. Li sikami. Ne li zikinyehile kuzwa kwa kweli ni linaleli, ko ne li talimela, ni ku li ku li shutanisa. Kamba—kamba, hamusa kona kubuluka nako ya zona ni hanyinyani, kakuli li shendami, li sikamezi kwa mulaho. Kabakaleo, ha li sa kona kukopana ni linaleli zani ka nako yeswana, kakuli li—li zwile mwa muzamao wa linaleli zani. Mwa utwisisa? Ni lumela kuli kona mo siinezi seo.

<sup>67</sup> Li inzi mwa buino ona boo. Mi seo sibonisa fela kuli ye kona kalulo ya nako yateni. Kikuli ha muboni nji? Mulimu hana lika zezwile mwa muzamao. U li tuhezi fela kuba ona calo fa nako nyana. Mi Ni lumela hande kuli nto yeo ne i ezahalile.

Mi ka mazazi a maungulo a kona foo Mulimu aka patulula likunutu ze kwa Keleke. Ha si ka lieza kale fateni. Mi La si ka ezeza cwalo, ki kubuluka Keleke kuba yetona ni kulapela ka nako kaufela, kusina kuziba nako yene litaha. Kono mu hupule,

mwa Daniele 12, Na ize, “Baba butali ba ka utwisisa, mwa lizazi la mafelelezo lee.” Mwabona? Li filwe ku bona.

<sup>68</sup> Moya wa butali utaha mwa Keleke, ku to zibahalisa kwa Keleke, ka sinulo ya Moya o Kenile, kutisa kwa Keleke ni kupatulula lizazi le lupila ku lona. Ka kuswana fela sina Gabriele mwa natezi ku—ku Daniele, kona Moya o Kenile mo utahela kwa Keleke mwa mazazi a maungulo, ku to patulula litaba, za likunutu, ze tungile. Kana mwa utwisisa cwale? [Kopano ili, “Amen.”—Mu.]

<sup>69</sup> Cwale, seo sakona kuzwisa fateni mwaha wani wa za linaleli kamba mwaha wa kalenda yaba Julian, mwabona, mwaha wa ba kalenda yaba masonic, kakuli lifasi li sikami. Kaufela lwa ziba cwalo, ka kuipalela zona mwa sikolo. Mi lizwile mwa sikwenda, kabakaleo zeo, linalelo zeo, halikoni kufita mwa muzamao o swana ka nako yeswana. Kabakaleo, kalenda ya Maroma i fosahalile, niyona, kakuli hamukoni ku li kopanya hamoho mwa mazazi. Kuna ni fela lika zeñata ze Ni kona fela kubulela faa. Kuli lufumana kuli, neba ka zebupilwe za taho, li lu luta kuli kuna ni fela mazazi a mashumi amalalu handende mwa mwaha.

<sup>70</sup> Cwale, ha lungeni Sinulo fo lu ka tokwa kotalima mwateni ka mazazi a bapolofita bababeli. Bibelee iize, “Ne ba polofitile mazazi a wani sauzande tu handeleti ni mazazi a sikisite.” Cwale, munge kalenda ya babali ba linaleli, i ka fapanela kwahule kwa kuba ni myaha yemilalu ni licika. Mi munge kalenda ya Maroma yeluna ni kacenu, i ka shutanela kwahule ni yona. Kono munge kalenda ya bupolofita, mi kuna ni mazazi a wani sauzande tu handeleti ni mashumi asilezi, mwa mazazi a mashumi amalalu kuisa kwa kweli. Mwabona?

<sup>71</sup> Luna ni mazazi a mashumi amalalu mwa likweli zeñwi, seti-wani ku zeñwi, twenti-eiti ku zeñwi. Mwabona, kaufela luna lu lyangani. Kono Mulimu haana zona ka mukwa o lyangani, fahalimu ni fafasi, kwa mulaho ni kwapata. U li beya fela kuba nto yeswana. Eeni, sha. Ka kuswana fela, mazazi a mashumi amalalu mwa kweli; isiñi seti-wani, kona kutaha mashumi amalalu, nto yeñwi fela. Mwabona? Kono zeo ne liezahalile mwa buswa bwa Mulimu, kuli Keleke itone mi ilapele, kuli i itukise, mube ni liapalo ze tapile mwa Mali a Ngunyana. Kono, oh, mwa lizazi la maungulo le, Na sepisize! Uh-huh. Cwale lwa bona mo lupila. Cwale, muhupule, libaka, libaka lateni luli, ki kueza see.

<sup>72</sup> Cwale, haiba nekuna ni sebene. . . Mutalime, kuna ni mazazi a fote-naini. . . fote-naini myaha, nitaluse, mwa nako ya kuyahiwa tempele. Sebene, ki lisunda ze sebene za sipolofita, lisunda ze sebene, kakuli kuna ni lisunda ze sebene ze tomezi tempele, kuyahiwa sinca kwa tempele. Mi ya yahiwa ka myaha ye fote-naini. Cwale luna ni luna ni taluso ya nako ya lisunda, kakuli haiba Bibelee iize, ki Lingeloi le li bulezi, ne li lwezi lisunda ze sebene kufitela kuyahiwa kwa tempele. Mi ne li myaha

ye fote-naini handende ya kuyahiwa kwa tempele, kuzwa ka—ka Liatamanyi la 14 kufita la B.C. 5—538. Kufita tempele i kutiswa sinca hape, mi mikwakwa ya kutiswa, handende ka myaha ye fote-naini. Kacwalo, lu fumana sikamañi? Lu fumana sikamañi? Kakuli, haiba lisunda ze sebene ili kutulisa kuli myaha ye fote-naini, kipeto sunda iliñwi ki myaha ye sebene. Mi sebene ha i alulwa ka sebene ki fote-naini. Ki niti. Kifo he cwale.

<sup>73</sup> Kacwalo cwale hakusana ku nuha ka zona. Lu ziba cwale kuli sunda ni sunda iyemela myaha ye sebene. Kana mu utwile nji? Halu buleleñi hamoho: “Sunda iliñwi ilikana ni myaha ye sebene.” Cwale lu ziba kuli lu li utwisise. Sunda iliñwi ilikana ni myaha ye sebene.

<sup>74</sup> Ki luna ba fa, sunda ya pili. [Muzwale Branham usupa fa limati lelinsu fa siswaniso—Mu.] Myaha ye fote-naini kuisa kwa kuyahiwa sinca kwa tempele. Cwale, mulaini wo fahalimu fa uyemela naha ya Majuda haunze u slana cwalo. Ye fa kona fela nako. Mi ha u fita fafasi fa, u zwa mwa naha ya Majuda, kufita mwa nako ya Bamacaba. Mi ikutela hape ni kuswala Isilaele, ni kuzwelapili cwalo.

<sup>75</sup> Cwale, Bamacaba ne ba si ka tomelwa nako ni yekana. Ku izwe fela kuli, “Nako ya Bamacaba.” Mi lu fumana cwana, kuli neba Jesu na si ka ba tomela nako. Kakuli lu fumana cwana fa mo, mwa Luka 21:24, Na ize, “Ba ka hatikela mamota a Jerusalema kufitela Bamacaba. . .” Halu boneñi ni ibulele ka swanelo. Ni i bulela fela ka ku ihupula. Ha lu boneñi ni bale, wakuli ikaba fa yepu fa, mi lubata kuli lu kondise lika kuli libe hande. Ku lukile, haiba mubata kuapula teñi nina kuyona, ku Muñoli Luka 21:24. Ni balile taba ye ka swanelo, mo ne Ni konela kaufela.

*Mi ba ka wa ka buhali bwa lilumo, mi ba ka hapiwa. . .*

Ki bafi Ba bulela cwale? Majuda. Yani neli sinyeho ya tempele, ka A.D. 70.

*. . . mi ba ka hapiwa baiswe kwa macaba kaufela: . . .*

Cwale muhupule, isiñi fela mwa Babilona, isiñi fela mwa Rome, kono ki kwa “linaha kamukana.” Kona ko ba fumaneha Majuda kacenu, “linaha kamukana.”

*. . . mi Jerusalema uka hatikelwa ki Bamacaba, mane kufeletelele linako za Bamacaba.*

<sup>76</sup> Mi, kuna ni nako yetomilwe, kono hakuna yaziba fo li ka ezahalela. Mwabona? Ki kunutu, mwabona, ki nako ya Bamacaba. Kono, Majuda. . . Cwale, halukoni ku ziba nako ka seo Keleke, kamba Li wile kamba la zwelapili, kamba Si eza sikamañi. Hamukoni kubulela ka zeo. Kono, mutalime Majuda, yani kona kalenda ya nako. Kana mwa si bona? Mulimu na ba tomezi handende lizazi, hola, ni nako, kono Na si ka tomela zeo

ku Bamacaba. Na li file kwa Majuda, kacwalo ha lu talimeñi Majuda, kipeto lu ka bona fo lu inzi.

<sup>77</sup> Cwale, cwale, lisunda ze sebene neli myaha ye fote-naini. Luna ni zona hande cwale, sunda iliñwi yani ki—ki sunda iliñwi ki myaha ye sebene; sunda iliñwi, myaha ye sebene.

<sup>78</sup> Cwale lu bulelelwa kuli, “Kutuha ha kufiwa taelo...” Cwale, fa kona fo kuinzi butata. Cwale lu bulelelwa kuli:

*...kutuha ha kufita taelo ya kuyahiwa munzi ku Mesia (mi Mesia neli Krete, eeni sha) ku kaba lisunda ze sebene, ni lisunda ze mashumi asilezi ni amabeli: (kueza lisunda ze sikisite-naini)...*

Mwabona? Ku lukile. Mi sebene ha i alulwa ka sikisite-naini ipanga myaha ye fo handeleti ni ye eite-sili. Cwale, musweli mwa ñola nji? Haiba mubata kuli ni kutele fateni hape, Ni ka tabela kueza cwalo.

<sup>79</sup> Cwale lu bulelelwa kuli, “Kuzwa kwa makalelo a taelo ya kuyaha munzi, kuisa ku Mesia, ku kaba sebene,” (sebene, yeo kona yapili—yapili, ona fa) “lisunda ze sebene, ni mashumi asilezi ni zepeli,” ki, sikisite-tu mi sebene ki sikisite-naini, lisunda ze sikisite-naini. Sebene ha i alulwa ka sikisite-naini ki myaha ye fo handeleti ni eite-sili. Kabakaleo, kufitela Mesia... Cwale lu taha fa siemba se *fa*. Kufitela Mesia, kuna ni kuba myaha ye fo handeleti ni eite-sili, myaha ye fo handeleti ni eite-sili.

<sup>80</sup> Cwale, cwale, Jesu, Mesia, na pahami ha kena mwa Jerusalema, ka bundume, fa bundume fa mule yesweu, la Sunda ya Nzalu, Lungu la 2, A.D. 30. Jesu apahama kukena mwa Jerusalema la Sunda ya Nzalu, A.D. 30. Mi cwale, cwale, kuzwa ka B.C. 445 kuisa A.D. 30, handende ki myaha ye mianda yemine ni sebente faifi.

<sup>81</sup> Kono, sina ha lu boni kale, kuli lisunda ze sikisite-naini likwana handende myaha ye fo handeleti ni eite-sili. Cwale, foo kona fo kutahela butata bwatni, ona foo. Mwabona? Luna ni fela, ka zeñozwi za Bibe fa, nako, ki myaha fela ye fo handeleti ni sebente-faifi. Mi, kaswanelo, ki myaha ye fo handeleti ni eite-sili, shutano ya myaha ye eiti.

<sup>82</sup> Cwale, Mulimu hakoni ku mbwinka lika. Haiba Na bulezi kuli ku kaba mazazi amañata hahulu, konakuli ki mazazi amañata ona cwalo. Haiba U bulela kuli ki ze kuma fa kuli, kipeto likuma fakuli. Kona kuli lu ka eza sikamañi? Cwale, haili B.C. 475 kuisa ka A.D. 30, ki ya Julian kamba myaha ya baituti ba linaleli, yeli myaha ye milalu ni sikisite-faifi ni lizazi leliñwi mwa—mwa mwateni. Kono ha lu li kutisa mwa mazazi a kalenda ya sipolofita...

<sup>83</sup> Cwale ha lu boneni ni yemele foo fa muzuzu fela. Kuli muzibe kufitelela muluti wa kukakanya, Ha koni fela kunga sibaka seo.



Na kona ku libonisa ka Mañolo kamukana ni ku mibonisa kuli mazazi a sebene kona sebene yeo, sunda iliñwi ki—ki myaha ye sebene, mwa Bibebe. Ni liezize fela fa, mwa Sinulo kauhanyo ya 13, kamba kauhanyo ya 11 ni timana ya 3. Bapolofita bani ba ka polofita ka mazazi aeza wani sauzande tu handeleti ni mashumi a silezi, ili fahali a sunda ya mafelelezo ya Majuda, kipeto ba bulaiwa mi Armagedoni ya kalisa. Mi haiba zeo liba cwalo, ki yeo foo hape, ki mazazi fela a mashumi amalalu mwa kweli. Mwabona? Mi, haki—haki hakuna mazazi a mashumi amalalu ni li liliñwi ni mazazi a twenti-eiti, ni zeñwi cwalo. Yona ki mazazi fela a mashumi amalalu mwa kweli, nako ni nako.

<sup>84</sup> Kalenda ya luna ya sipolofita ilutisa kwa mazazi a sili handeleti ni a mashumi a silezi, sina mo lu i tusiseza cwale mwa Mañolo. Luna ni mianda yemine ni eite-sili. Ki zeo foo, mianda yemine ni eite-sili. Fa luna ni ponahazo yende ya sipolofita, handende ki niti. Kakuli, kuzwa ka nako ya kuyahiwa kwa tempele, kuisa kushandauka, ha ba hana Kreste ni ku Mu bulaya ka silimo sa A.D. 33, fani Kreste ha bulaiwa, handende ka swanelo ki myaha ye eite-sili.

Cwale, kuzwa ha kufiwa taelo ya kuyahiwa sinca kwa Jerusalem, ne ku tomilwe lisunda ze sebene, ili kotalusa myaha ye fote-naini. Mi myaha ye fote-naini ikwanile handende. Kihande, kuzwa ha ku yahiwa sinca tempele kuisa ku Mesia, neli mianda yemine ni eite-sili. Kacwalo, myaha yemine ni mashu-...myaha ye mianda yemine ni mashumi amashumi amane. Mi mianda yemine ni mashumi amalalu-ni zene (kualula), fote-naini, zeo luli ki myaha ye ye mianda yemine ni ye eite-sili. Ne i natile handende fa ngo, kulibana hande kwa lizazi lateni, kuzwa ka zazi ni zazi. Amen! Ki fo he cwale.

<sup>85</sup> “Mesia yena Mulena uka taha.” Mwabona? Sebene haijalulwa ka sikisite-naini ki fo handeleti ni mash-...ni—ni eite fo myaha. Handende, i natile hande fa ngi yateni. Kacwalo, he, lu ziba handende, lwa ziba kaswanelo, kuli Mañolo a lukile. Ki ze fa. Kono, mwa bona, ze kaufela . . .

<sup>86</sup> Fani Mulimu ha ba ni lifasi la muunda ni ku li sinya ka mezi, ni kucinca linako za linaleli; mi ni ku lumeleza Maroma kutaha mwateni ni kupanga kalenda yabona, ze taha hande ni kutula zeñwi, ni zeñwi kaufela. Mi Ni sepa, kuli, neba mwa litaluso za manzwi mo ne Ni sweli kubala . . .

<sup>87</sup> Lubulele, cwana kuli, Muzwale Kenny Collins, kana uteni mwa muyaho mo cwale kakusasana cwana, Kenneth Collins? Wa ziba ha u ni lumela sindunduli tuna sani sa ensaikulopedia? Wa hupula cwalo? No ni lumezi kulo kwani mane kutaza kocikala. Na hupula kuli, “Ya si ka ituta sina na ukona kueza sikamañi ni libunda leo kaufela?” Wa ziba, ki Mulena ya na kuzamaisa, Kenny. Mwani kona mo ne Ni zusize likande, ona mwa ensaikulopedia yani, “nako,” mi Ne ni sweli kubala. Mi

Becky wa itusisanga zona kwa sikolo kw'a kena. Nina ni zona mwa sibaka sa kubala kwaka, mo kuna ni maswaniso a lifolofolo fafasi. Mi lwa ya fafasi fani ku yo iinga, mi teñi lwakala kubata ni kulifumana, mi ku to fumana, handende, mwahala ma kalenda kaufela ni nako yebile teñi. Mwabona? Kacwalo, luna ni yona.

<sup>88</sup> Ki leo foo, handende, myaha ye mianda yemine ni eite-sili. Kuzwa ha kufiwa taelo ya kuyahiwa kwa—kuyahiwa kwa muyaho, kufitela ka nako ya Mesia Mulena ha haniwa, ki myaha ye mianda yemine ni eite-sili, kuya ka kalenda.

<sup>89</sup> Cwale mwa bona, lu itusisa ona kalenda yeswana ye pahekilwe ona fa. Kakuli, haiba Mulimu aka i tusisa kalenda ye fa, kipeto Una ni kuitusisa yona mwa linako za Bibeke kaufela. Kana ku cwalo? [Kopano ili, "Amen."—Mu.] Mulimu ha cinci. Kacwalo, haiba lisunda ze sebene neli myaha ye fote-naini, lisunda ze sebene hape ki myaha ye fote-naini. Sunda iliñwi ki myaha ye sebene, mwabona, kacwalo i li zamaiseleza handende. Mi haiba linata handende kuisa fateni luli, li ka nata handende ona fani hape. Amen! Oh, mawi! Zeo za ni nyunga luli. Oh, Na—Na—Na lata kufita ze Ni ambola mane. Na—Na—Na lata cwalo.

Kakuli, sina mulikani wa kale hana bulezi, kwani Kentucky, ku na, naize, "Ni tabela kuteeleza mutu ya bulela, abe yaziba za kubela."

Na li, "Na lata nina."

Ki hali, "Kona butata bo munani bona mina bakutazi, ha mu zibi ze mu bulela."

<sup>90</sup> "Kihande," Na li, "Na itumela ka mubuleleo wa hao, kono kuna ni lika zeñwi ze luziba hande ni kuambola zateni." Uh-huh. Yeo ki niti. Ni ziba kuli Ni pepilwe sinca. Ni ziba kuli Ni zwile ma lifu kukena mwa Bupilo. Ni ziba kuli kuna ni Mulimu, kakuli Ni ambola ni Yena.

Ni bile ni Yena mane u ambozi ni na, ni kubulela ni na, ni kubulela ku babañwi, ni kuni bulelela ka babañwi. Mi Ni ziba kuli ki Yena Mulimu. Yeo ki niti. Na li yomunde hahulu kuli atuluke mane swaniswa saka lwa swanisa hamoho ni Yena, kuli mane lifasi la ba sayansi halikoni ku li latula. Mi Na apula mwa Mañolo ni kubona kuli zeo li lukela kutaleleza lusika wa keleke yee, ona cwalo luli kona ze ezahala, kuli Ni zibe kuli ki luna ba. Amen.

<sup>91</sup> Cwale, lwakona kuba baba si ka ituta. Lwakona kuba batu baba sina kabubo, ni lika zecwalo. Lwakona ku sa ba baika ba bakutekeha, kono lu ziba Mulimu. Lwa Mu ziba kakuli kuna ni Moya o Kenile, mwabona, mi li swalisana Linzwi-ka-Linzwi ka Mañolo, mi luziba kuli yeo ki niti. Lu pila mwa mazazi a mafelelezo.

<sup>92</sup> Cwale, foo, muhupule cwale, kuli, mwaha wa bupolofita woo, wa mazazi a mianda yemilalu ni mashumi a silezi mwa

silimo. Mutalime fa lika zeñwi kaufela. Zebupilwe, haiba babañwi ba mina sicaba mwakona ku utwisisa, neba basali, ni zeñwi cwalo. Mwabona? Mashumi amalalu, mazazi a mashumi amalalu, mubone fela ki—ki za . . . Zebupilwe kaufela lu tomilwe ona cwalo. Mwabona? Isiñi seti-wani, seti, twenti-eiti, kamba sesiñwi. Ki mazazi a mashumi amalalu kaswanelo. Kwa mwaha ni mwaha, ki mazazi a likana mianda yemine ni mazazi a eite-sili.

<sup>93</sup> Fa lu na ni ponahazo yetezi ya sipolofita sateni, myanda yemine ni—ni myaha ye fote-faifi, kwamulaho, ne li zamaelela hande. Cwale, kaufela ze ne polofitilwe za to ezahala. Mi lisunda ze sebente zani ne lisi ka ezahala ka nako yani, kacwalo li siyalezi kwa mazazi a mafelelezo cwale.

<sup>94</sup> Cwale, mizwale baka ba Pentekota, cwale, mizwale yaka ya Lipaki za Jehova, kana mwa utwisisa? Kana mwa ziba ko ne ku bonahalezi ba handeleti ni fote-foo sauzande? Kana mwa ziba limakazo ko ne ku bonahalezi limakazo zetuna za Sinulo? Mwani mwa lusika lwa Sijuda, isiñi ku lwa luna. Hakuna zeñozwi ku lona, ki Keleke fela ye itukisa ku shimbiwa. Luli, ka mata a Mulimu, lueza limakazo ni ze komokisa. Lwa ziba cwalo. Kono nto yaluli neili kwanu kwa Majuda; Ni talusa, taba yaniti, mata a beleka, makazo yebeleka. Ze ne . . .

<sup>95</sup> Ba handeleti nifote-foo sauzande ha ba bonahali kwani. Bao ki ba . . . Ha ba bonahaleli mwa kauhanyo ya 3. Ba fumaneha mwa Mañolo, kwahule. Mi cwale lubona kuli litaba ze nelina ni kunga sibaka, nebali mwa nako ye ya sunda ya busebente, sunda ya mafelelezo. Cwale, haiba se babile kale ni lisunda ze sikisite-naini, ni kupila sina mwa na bulelezi Mulimu, mi za ezahala handende sina Mulimu mwa na bulelezi kuli li ka ezahalela, mi kuna ni sunda iliñwi ye siyalezi kwa Majuda. Cwale, mizwale, a mu itukiseze fela. Mwabona? Mwabona? Muteelezi mo se lubezi bukaufi. Sunda ya mafelelezo, sebene, mwaha wa busebene.

<sup>96</sup> Cwale, kana kaufela mwa utwisisa ku to fita cwale, haiba mwa utwisisa? Mañi ni mañi ya utwisisa fo lu zamaela, kuli kona Niti ye tezi luli. Ki Bibe. Ki myaha ya bupolofita.

<sup>97</sup> Cwale lwa kambama, mi lu ba fumana fahalimu fa inge bahanile Mesia, mwabona, kuzwa kwa . . . kutaha kwa kuhana Mesia, sunda ya mafelelezo.

<sup>98</sup> Cwale, Ni bata kuyemela fo fa nako nyana ni kutatulula taba yee. Kuli, ha ne ba hanile Mesia, neli fani, eni sha, ha ba to hana Jesu kuba Mupulusi, mi ba Mu kokotela. Mwa hupula se i bulezi Bibe mo, “Mi U ka bulawa, kusina ya Mu yemela, Mesia, yena Mulena.” Cwale munahane bukaufi bwa bupolofita boo mo bubezi. Ni bata ku kenya taba ye kumina. Kuli, haiba bupolofita bo bu ka swalana hande kupunya ni lizazi lateni, kuzamaelela ni nako, ni mo be bu bulelezi zekaba teñi, ze sebene zeñwi zee, lisunda ze sebene ze siyezi ze, myaha ye sebene yeñwi, nitaluse,

(mazazi a sebene: myaha ye sebene), li ka tamahana hande kuya ka Mañolo.

<sup>99</sup> Cwale muhupule, Na bulailwe, Mesia. Majuda, Mulimu atuhela kusebelisana ni bona. Ne ba si ka fita fahule hahulu. Mi ba hasanyiwa ki Mpi ya Maroma. Mi, he, haiba mutalimile fa siswaniso saka fa, Ni bata kuli munge se cwale mu si swanise. Mulemuhile fa fo Ni beile sifapano? Fani kona fo ne ba mu hanezi. Kono nako ya ekezeha hanyinyani fani, mwabona. Kiñi? Seti, fote, fifite, sikisite, sebente. Myaha ye mashumi amane kasamulaho, Titus, ndwalume wa Muroma, abulaya Isilaele, Jerusalem, ni kuhasanya sicaba mwa lifasi kaufela. Mwa bona, Titus, myaha ye mashumi amane kasamulaho. Kacwalo, kaniti, nako ya Majuda ya ekezeha kufitela kufela . . .

<sup>100</sup> Mulimu na sa sebelisani ni bona. Na inzi ni bona kufitela ba hana Kreste. Mi cwale ha ba kokotela Kreste, ba huwa bali, “Mali a Hae abe fahalimwa luna ni fahalimu a bana ba luna,” mi kubile cwalo kuzwelela koo. Ba si ka hasana kale. . . Muteeleze! Oh, muzwale! Ba si ka hasanela kale mwa lifasi kaufela, ne si tandile Mulimu myaha ye mashumi amane kuwisaka tempele ni ku ba hasanyeza mwa lifasi kaufela. Kono Mulimu na si ka sebelisana nibona hape. Mulimu apalelwa ku sebelisana ni bona hape.

A zwelapili kusebelisana ni Bamacaba. Mwa ziba cwalo, mwa utwisisa seo cwale? Cwale, fa lu kalela mwa masika a likeleke, nako ya Bamacaba, Mulimu aba kwahule ni Majuda.

<sup>101</sup> Cwale, muzwale waka wa mubuleli, sani neli kwa—kwa—kwa Majuda, muzwale yomunde mo kokuñwi. Fa kona fo Ni bata kuli mulemuhe ni ku utwisisa. Mwabona, Mulimu na tuhezi kusebelisana ni Majuda ona fani, kakuli Mulimu kamita ubelekisana ni Isilaele ka kuba naha. Kaufela lwa ziba kuli Isilaele se li naha. Bamacaba ki sicaba, mi Na ikungezi sicaba mwabahala Bamacaba, kubizezwa Libizo la Hae. Lu ka fita ku zeo mwa mizuzu yelikani.

<sup>102</sup> Kono cwale, mwa masika a likeleke zesupa ze lu se lufelize, mwa nako ya Bamacaba, kuzwa kwa sifapano sa Kreste kuisa kwa mafelelezo a masika a likeleke. Cwale lu utwile zeo. Lu fitile ku zona, kaufela kushetumuka. Cwale lutaha fa sibaka fo lukona ku ngunyuta ku se, kukena mwa Maswayo Asupa, Manaka Asupa, Litolombita Zesupa, ni zeo kaufela, ni ku li swanisisa hamoho; kaufela ze tamahana ni Majuda, ni katulo ya Mulimu kwa sicaba sa mwa lifasi. Ni bo masiyaleti . . .

<sup>103</sup> Muhupule, mwa nako tuna ye ya nyandiso, kuna bolule lule ba Bamacaba babaka shwela mwani. Munyaliwa ya hanilwe, yena—yena masiyaleti wa peu ya musali yani, mwanlanjo ya lobezi, uka kena ku zona zeo. Ki—ki lika ze zibahala hande sina lisunda ze sebente ze; ka ku utwahala fela hande. Mi ba ka fita

kuzona. Kacwalo, haiba hauna Moya o Kenile, kihande ube ni Ona kapili mo konela fela. Lu kwa nako ya mafefezezo.

<sup>104</sup> Cwale mulemuhe, masika a likeleke zesupa. Cwale, Hanina kufita kuzona, kakuli luna ni tepu ka zona, mi za beiwa mwa libuka ni lika zeñwi kaufela. Kuli, yani neli nako yeo Mulimu na si ka bulela kuli ku kaba mazazi amañata luli, linako zeñata luli, myaha yemiñata luli; Na si ka bulela sika. Ki hali, “Kufitela nako ya Bamacaba i petahala.” Ali, “Kufitela!” Mamota a ka hatikelwa kufitela Mulimu afeza kutalimana ni Bamacaba.

<sup>105</sup> Cwale, lu fumana cwana, kuli mwahala masika a kaufela, neluna ni Moya o Kenile otahile mwateni. Mi cwale Mulimu, kwani kwa simuluho, akala ku ba bulelela, bakeñisa kuhana Kreste, Mulimu na bonisize Joani handende ze ne ka ezahala ka nako ya puso ya Bamacaba. Cwale, mwabona, haluna nako ye siyezi, sina Majuda, kono luna ni sisupo. Luna ni—luna ni sisupo sa teñi. Kihande, Mulimu a eza kwa Majuda handende sa Na bulezi kuli Uka eza ni kubona mwa myaha ye sikisite-naini yani, kamba, neli myaha ye mianda yemine ni ye eite-sili, kono neli lisunda ze sikisite-naini. Mi kusiyezi sunda iliñwi, sunda iliñwi ye sa siyezi.

<sup>106</sup> Cwale, halukoni ku li beya *fa*, kakuli ba ki Bamacaba, ki Keleke. Cwale, ki ba bakai baba utwisisa zeo? [Kopano ili, “Amen.”—Mu.] Cwale, ye ki Sinulo, kukalela ni kauhanyo ya 1, kuisa mwa kauhanyo ya 3 alu isa mwa Laodesia. Cwale, lwabona handende mo ne ibezi Keleke kaufela, Keleke ya lifasi yona kasibili. Mulimu na si ka beya mwateni muezalibi, yena fela. . . konji haiba ubata kupiliswa. Kono, Keleke ya lifasi neli yesweu; mi kwa taha Manikolai bene ba bata kubupa katengo. Baika bakena kuzona. Zeo neli kwa Nicaea, Rome, hane babile ni Katengo kaba Nicene. Mi kiñi ze ne ba ka eza? Ba ongaonga keleke, mi bakalisa kunyandisa Bakreste. Mi, mwa lusika keleke ye ne tatami, mane neli, Bukreste, ka nzila ya kolobezo ya Moya o Kenile, kaufela za feliswa.

<sup>107</sup> Kono he, mina sicaba mwa ziba, kuli Ne ni i batisisa mwa litaba za kale, zaba *Nicene Fathers*, ni ya ba *Pre-Nicene Fathers*, ni litaba za kale kaufela za keleke, ni libuka za kale luli ze Ni konile kufumana, mi ifi ni ifi yazona kaufela i mi pakezi kuli Keleke yana ambola fateni Mulimu ne si yani keleke ya Katolika ye ongaongilwe kamba mane hakuna neba kopano ifi kaufela. Mulimu nasweli kuambola ka za, ni linaleli zetuna zani kaufela za lusika lwani, neli baana bene ba luta za Moya o Kenile, kolobezo ka Libizo la Jesu Kreste, ni kutaha kwa Moya wa Mulimu, ni—ni kubulela ka malimi, ni kutoloka kwa malimi, ni kufolisa, ni limakazo, ni lisupo. Kona za na tomile Mulimu. Hakoni ku cinca mulelo wa Hae, kuli, “Kihande, wo ki muhupulo Waka wa Keleke, yona Keleke yaba apositola; cwale mulelo Waka ki ka za keleke ya baika.” Mulimu ha cinci! I sa li Moya o Kenile.

108 Mi lwa talima ni ku lishetumuna, mi, ha lubona ze bupilwe za Mulimu ni za Na. . . mi ni kutisa Mañolo a Hae hande. Mi ni kunga za—za litaba zakale ze bonisize fela hande kuli litamahani handende; kulibana hande ni lizazi lateni, ni kwa nako, kwa lika kaufela za na bulezi Mulimu ka Joani, ze ne ka ezahala, za to ezahalela ona kwa lusika lwa Bamacaba lwani.

109 Cwale, lu ipumana kuli, haluna neba kukakanya ni hanyinyani, mwa Lusika lwa Laodesia. Lwa ziba lu cwalo. Lu fitile mwa Lusika lwaba Lutheran; lu fitile mwa lusika lwa ba Wesley; cwale lu mwa Lusika lwa ba Laodesia, lusika lwa mafelelezo. Mi lu fumani kuli ifi ni ifi ya likeleke zani neina ni mulumiwa. Lu fumani ona cwalo. Linaleli ze sebene mwa lizoho la Hae, yeneli Mioya ye Sebene yene zwa fapila Mulimu. Ufi ni ufi no na ni mulumiwa. Mi ha lu shetumukile lufumani cwana, mwa Bibebe, sibupeho sa mulumiwa yo mo si ka bela, sibupeho sa mulumiwa yani mo ne si ka bela. Mi lwa fumana muuna wateni mwa litaba zaikale wa sibupeho seo. Mi ha lu fumani muuna yani mwa litaba za kale cwalo, wa sibupeho seo, lwa to fumana kuli neli mulumiwa kwa lusika lwa keleke yateni. Mi lu lemuha mufuta wa Moya wateni, ni za na ezie muuna wateni. Mi lufumana kuli nali mulumeli yatezi Moya o Kenile, Saint Irenaeus, ni bani babañwi kaufela, ni—ni ba Saint Columba, ni baana bani kaufela babatezi Moya. Mi lu ziba kuli, ka Mañolo, kuli mufuta wa Moya wani no lukela kuba fahalimwa muuna yani ka nako yeswana yani. Ki zeo foo, kona kuli halikoni kufosahala. Amen! Kanya ku Mulimu! Zeo ki kuli. . .

110 Ha ni zibi, muzwale. Zeo za ni katulusa luli kufita sika kaufela se Ni ziba, mwabona, kakuli ki Linzwi la Mulimu le li Ipulelela. Ha Ni utwa Mulimu abulela sika, Ni li, “Amen! Yeo kona niti. Yeo ki niti.” Mwabona? Ao kona mafelelezo. Kaufela lifelile. “Mulimu ubulezi ona cwalo.” Kuli, ao kona mafelelezo.

Kihande, Mulimu u ize kuli li ka ezahala ona cwalo, mi lu li fumani cwalo mwa litaba za kale ni ka Mañolo. Ne lubalile mwa za lusika lwa keleke ye, so no lu ka eza, ze ne ka ezahala, ni mufuta wa mulumiwa wateni kwa lusika lwa keleke yani. “Kwa—kwa lingeloi la keleke ya Laodesia. Kwa lingeloi la keleke ya Sardisi, Tiyatira,” ni zeshutani ze kaufela. Mi lu kutela kwa litaba za kale ni kufumana kuli—kuli mulumiwa wa keleke yani, mane lufumani yo nali yena. Kacwalo he lwa li swanisa handende, lwa beya mabizo a bona mwatasi abona, mi ki bani fani. Mwabona, lu ziba kuli zeo li swanezi handende.

111 Cwale, mi lu ziba kuli Mulimu nali cwalo, kamita ubile cwalo, mi kamita ubile ona cwalo, ka kulwanisa bulapeli bwa kuongaonga. Eeni, sha. Na li bulezi. “Bunikolai Ni bu toile!” *Nikao* italusa “ku koma laity.” *Laity* ki, laity ki yona, “ki keleke, ki mubili.” *Nickao* italusa “ku koma, kukoma,” ka manzwi asili, “kueza muuna yakenile, mutu ayomuñwi apahamele yomuñwi.”

Luna kaufela lu bama. Luna ni Mulena alimuñwi, yoo ki Mulimu. Luna ni Alimuñwi ya Kenile, mi yoo ki Mulimu. Amen! Mi Yena u mwahali a luna, mwa mufuta wa Moya o Kenile. Yani ki Yena ya Kenile.

112 Cwale, lutaha lu shetumuka kufitela lukolwa cwalo ka kutaha mwa—mwa lusika lwa Sijuda lu ngile lisunda ze sikisite-naini zeo handende, ka litaba za kale, ka kalenda, ka mwaha wa Mulimu wa sipolofita ka kalenda ya sipolofita, kuzwa mwa Testamente ya Kale kutaha ni ku Yenca, ni kubonisa kuli ki nto yeswana hande. Mwabona?

Cwale luna ni keleke ya Bamacaba kuzwa kwa simuluhu, ku to punya ni kwa lizazi la mafelelezo, mi lu ziba kuli lupila mwa lizazi la maungulo. [Muzwale Branham ungongota fa katala kukutakutela—Mu.] Amen! Mwa utwisisa? [Kopano ili, “Amen.”] . . . ? . . . [Muzwale Branham ungongota fa katala hañwi.] Cwale, he, haiba lupila mwa lizazi la maungulo le, kwa mafelelezo a lusika, konakuli lu kai kana?

113 Mulemuhe, kwa mulaho kwanu, mwabona mubamba o swanisizwe wo *fa*, foo Mulimu na talimana ni Majuda . . . Kamba, na sa sebelisani ni Majuda, za Mu tanda nako yetelele ku ba anga kamukana. Ne li Mu tandile myaha ye mashumi amane kuli Abange mwa buino mo ne ba i lo bulaiwa, kwa linaha kamukana. Sibaka kaufela, mwa mazazi a Bamacaba, Na ba beile mwa buino bo buswanela Asika tisa kale Linzwi la Hae kunga sibaka. Mwabona se Ni talusa? [Kopano ili, “Amen!”—Mu.] Kaufela baba utwisisa cwalo, muli, “Amen!” [“Amen!”] Mwabona, Ni bata kuba yaziba hande kuli mu li utwisise.

114 Cwale kiñi zene ezahalile? Mutalime fahalimu a lusika lwa keleke. Mwabona? Mazazi a Bamacaba a ya afela. Mi ka myaha yemashumi amane ya mafelelezo, Majuda ba bile bakutela kwa Jerusalem, kukutela mwa mubu wa habo. Haleluya! Mwabona fo lu zamaela kana? Ne kubile myaha ye mashumi amane, kuzwa fa bulaela Mesia, kufitela Titus a sinya munzi ni ku hasanya Majuda. Se kubile myaha ye mashumi amane yemiñwi yeo Mulimu atatafalize lipilu za mifuta ya Faro kaufela mwa libaka kaufela, ni ku leleka Majuda mwa mubu wabona. Kono kacenu bakutezi mwa mubu wabona hape, mi Keleke i kwa maungulo. Amen! Oh, Ni—Ni—Ni lika fela kubala; Ha ni koni.

115 Mulemuhe, Majuda ba mwa mubu wa bona, mi basweli kukuta cwale. Haiba munga yani yebizwa *Decline Of The World's War*, buka yabubeli, ya General Allenby, kasamulaho wa Ndwa Ya Lifasi Kaufela, afufela kwa Jerusalem ni ku yo ipamula, ni kuya kwa Jerusalem. Mi baana ba Bakreste bani bakena mwa Jerusalem inge batubuzi likuwani zabona. Mi Allenby aitoboha kusina neba ku kunupa tobolo yekana, kamba—kamba, ba i toboha ku Allenby, ma Turks. Mi kuzwelela ona fani, Mulimu

atatafalisa pilu ya Mussolini, pilu ya Hitler, pilu ya Stalin, lipilu za batu lifasi kaufela, kutoya Majuda.

<sup>116</sup> Mi cwale ni linyunywani zetuna ze ne shetumuka zani, ze ne bizwa kuli Eastern Airlines, kamba, kuli Pan American Airlines, kamba, kamba neli sikamañi kaufela, Ni lumela kuli neli bizwa kuli TWA, neli mwa—mwa mutende, waba *Life* magazine, Ni lumela kuli neli waba *Look* kamba *Life*, Ni lumela kuli neli waba *Life*, myaha yemilalu fela kamba yemine yefelile, mi Mulimu ubile akuisa Majuda mwa mubu wabona, kakuli se ba bile kwahule ka myaha yelikana likiti zepeli, fani Bamacaba hane ba sa itukisa. Mi cwale Bamacaba ba kashelize Kreste kwande a keleke, kuya ka Sinulo kauhanyo ya 3. Mane Ha sa kona kukutela mwa keleke ya Hae. Hakuna sibaka sakuli Akene teñi. U hanilwe.

<sup>117</sup> Mi seli nako ya Kuungelwa. Kaufela baba liuluzwi mwahali *mo*, tutowati totunyinyani to sina cwana, ki ku ngelwa kwa balumeli mwa zuho. Mwa bona, kaufela lu kopanela *fa* hamoho. Bibebe iize, “Luna baba pila mi lusiya kufitela kutaha kwa Mulena haluna kutibela kamba kupaleliswa bani baba lobezi.” Kuzwelela koo kaufela *fa, fa, ni fa*.

<sup>118</sup> Kuli, muzwale wa Pentekota, mukona ku libeya cwani kaufela zona mwa Lusika lwa Keleke ya Laodesia ye?

Bona—bona ba lobezi, mwahala masika a kaufela, balibelezi. “Haili luna ba bapila, sikwata nyana se si siyemi fa, babasiyezi inge bapila kufitela. . . Kutaha kwa Mulena hakuna kutibela ba balobezi; kakuli tolombita ya Mulimu ika lila, mi ba bashwezi ku Kreste ki ha ba ka zuha pili; mi lu ka ngelwa hamoho ni bona,” amen, “hamoho nibona,” ki luna ba *fa*, lukopanela ona *fa*, “ku yo katanyeza Mulena mwa mbyumbyulu.” Mi ki fo cwale. Lu kai kana? Ona *faa*. Kana Mesia na bulaezwi kai? Ona cwalo fela mo ne li bulelezi Linzwi. Kana sunda ya busbente yani ika kalela kai? Ona fani fela Keleke ye imano fela. Kipeto Mulimu utalimela kwa Majuda.

<sup>119</sup> Kikuli mwa hupula? Fani kona fani fela Keleke imano ngelwa. Keleke ya ngelwa, kipeto Majuda banga sibaka, bataha mwateni. Kono, pili, taba yetatama mwa mukoloko wazona, ha ki ancafazo yetuna ya—ya naha kaufela mwahala Bamacaba. Taba yetatama mwa mukoloko, ki kutaha wa Mubuso wa Mulimu, ili Kutaha kwa Kreste.

<sup>120</sup> Cwale, haiba mubata cwalo, lwakona kukutela mo ku Daniele kauhanyo ya 2, timana ya 34 ni timana ya 35. Mi cwale Daniele ha na filwe. . . kauhanyo ya 2, 34 ni 35, nako ya fiwa pono Daniele kuli mazazi a sicaba sa habo na felile, ni kuli ne kusiyezi fela nako yelikani, mi abona Bamacaba ha ba taha mwateni, mi abona pono ya licwe tuna le fa, kamba, siswaniso sesituna se, sene si na ni toho ya gauda, ni sifuba sa silivera (Cwale mutalime, liya litatafala, silivera kwa gauda.), zetatama



ki malupi a butale bwa kopa, ni mahutu a sipi ni mahatelo cwalo, kono hali minwana ya mahutu, minwana yemashumi amabeli, ni minwana yani neli ya sipi ni lizupa, mi ki hali, “Sina ha u boni kuli sipi haikoni kukopana ni lizupa, mibuso ye haina ka kuikaba cwalo haina kukopana ni omuñwi, kono ika kopanya lipeu zayona hamoho, kulika kuluba mata a omuñwi.” Mwabona?

<sup>121</sup> Cwale, ze ezahalile, toho ya gauda neli Nebukadinezare, siba ha na tolokile. Ali, “Mulena usili uka taha mi abe yomunyinyani ku wena,” yani neli Dariasi, waba Mede-o-Persia, kuli ahape mubuso wa Bamacaba. O no tatami, mwa mulaho waba Mede-o-Persia, neli ufi? Magerike, Alexander Yomutuna, ni babañwi cwalo; ma Grecian ba hapa mubuso wani kaufela. Mi cwale kiñi ze ne hapile Magerike? Neli Maroma. Mi kimañi ya busize lifasi la Bamacaba kuzwa ka nako yeo? Maroma! Maroma, cwale, yeo neli sipi.

<sup>122</sup> Cwale mulemuhe, Rome uina kuisa kwa mafelelezo, kakuli na lifitile kwa mafelelezo a minwana ya mahutu. Mi abona sileze, lizupa; mi bao ki batu, mo lu bupezwi. Mi sipi, mata a Rome, abusa ku ifi ni ifi ya linaha zani kaufela. Mi Rome ina ni mata mwa naha kaufela ye li mwatasa Lihalimu.

<sup>123</sup> Kuna ni muuna alimuñwi mwa lifasi yakona kuyemisa ndwa kamba kukalisa ndwa, kusina . . . ka kubulela linzwi li liliñwi kihona. Yoo ki popu. Kucwani kambe na ka bulela kuli, “Hakuna wa Katolika ya ka nga lizoho.” Ao kona mafelelezo, muzwale, bulela kaufela zo bata. Kalulo yetuna luli ya lifasi, yama Krestendom, ki Katolika. Mwabona? Ku lukile. A sa bulela fela linzwi li liliñwi, kona mo kubela ona cwalo.

<sup>124</sup> Kuswana fela inge mo ba bulelela kwanu, “Kimañi . . .” Lu ka kena kuzona kasumulaho. “Kimañi yakona ku lwana ni sibatana? Kimañi yakona kubulela sina yena? Kimañi yakona kueza cwalo? Kipeto, ha luezezeñi sibatana siswaniso.” Yeo kona tamahano ya likeleke, “kueza siswaniso se si swana ni sona.” Mwabona? Kukopanya likopano hamoho, ze ba ezize kale. Oh, lu kwa maungulo fela. Kona fela zeliteñi ku zona, mulikani. Lu kwa nako ya maungulo. Mwabona? “Ha lu ezezeni sibatana siswaniso,” nto yeswana ni sona. Siswaniso ki nto yebonahala inge nto yeñwi. Mwabona? Cwale lu kwa nako ya maungulo.

<sup>125</sup> Cwale mulemuhe mwahali mo, kwa mafelelezo a lusika loo. Cwale, Daniele, mwa kauhanyo ya 2, ni timana—timana ya 34 ni 35, na boni siswaniso se ka tokomelo luli. Mi atalima ka okomelo kufitela Licwe la sehlukulwa kwa lilundu, kusina mazoho, mi La pikuluha kutaha fafasi kufitela linata sisaniso kwa mahutu, ni ku si pwaca. Cwale, Ne li si ka si natela kwa toho, cwale. Kunatela kwa mahutu; ani neli mafelelezo a nako, yona minwana ya mahutu yani.

<sup>126</sup> Kana mulemuhe, ona fa handende, Bo. Eisenhower ba si ka ya kale, Muipanguli wa mafelelezo wa ba... wa America, mwa—mwa ku Mueteleli wa naha, zeo mane Na kakanya haiba ku kaba yomuñwi. Kono—kono cwale... ka kubonisa fela seo, kuli batu ba lemuhe. Ha na kopano, nekuna ni... Mukopano wa mafelelezo one (bana) na kopani kwa Russia, nekuna ni linaha ze ketalizoho za kwa Upa zaba swalisano kwani, linaha za kwa Wiko ze ketalizoho. Bo. Khrushchev ki yena yana li toho ya linaha za kwa Upa. Bo. Eisenhower neli yena toho ya linaha za kwa Wiko. Mi Khrushchev, kuya ka mo Ni utwisiseza ni mo ni bulezwi, kuli mwa mushobo wa Russia, *Khrushchev* italusa “lizupa.” Mi *Eisenhower* litalusa “sipi,” mwa Sikuwa. Ki yeo sipi yamina ni lizupa, zesike za kopana. Ki ha tubula likatulo ni ku linata fa tafule, ni lika zeñwi kaufela. Halikoni ku kopana.

<sup>127</sup> Kono neli mwa mazazi a baika bani kuli Linewe, Licwe lani la kumulwa kwa lilundu, kusina mazoho, la nata siswaniso kwa mahutu. Cwale, “Ku kumulwa kwa lilindu.” Hakulata neli lilundu la macwe. Ne li kumuzwi kwa lilundu la macwe. Cwale, kana mulemuhile?

<sup>128</sup> Cwale, mizwale ba bakutazi, ni mizwale ni likezeli, mwa lifasi loote. Kuya ka zibo yaka, Bibeke yapili ye kile ya ñolwa, Mulimu na i ñozi mwa mbyumbyulu, kakuli balukela kutalima mwahalimu ni kubona kuli kuna ni—ni Mulimu mwa Lihalimu, kuli Mulimu yani u fahalimwa bona. Mi haiba mu lemuha mwa zodiac... Cwale kusike kwaba ni yomukana wa mina sicaba yakaya... Muine hande ni Bibeke yee. Mwabona? Kono, haili—haili zodia, yekalisa pili mwa zodiac, kuya ka mo Ni zibela, ki mwalanjo; nombolo ya mafelelezo mwa zodiac ki Leo yona Tau. Kwani kona Kutaha kwa makalelo kwa Kreste, ka mwalanjo; Kutaha kwa bubeli, ki yona Tau ya lusika lwa Juda. Mwabona? Mi luna ni lusika lwa kansa, mi, hape, kutaha fafasi cwalo mwa zodiac.

<sup>129</sup> Cwale, lufumana cwana kuli nekuna ni yeñwi yeñozwi fa, kamba yeñwi ye beilwe fateni, mi ani neli ma piramidi. Kana mulemuhile mwa ma piramidi, mo ne likalezi, ki amatuna kwatasi, inge lilundu, na yahilwe ka macwe a tiile luli, kuya ipahama cwalo kufita ifita fahalimu? Kono nekusina sikwahezo se ne si beiwa fahalimwa piramidi, piramidi yetuna kwani kwa Egypt. Amunge ya... Haiba muna ni masheleñi a dollar mwa pokoto, munge masheleñi a dollar mutalime fateni. Mi mu ka fumana liswayo la America buse bo buñwi, mi kwa buse ina ni, kwa tasi, a piramidi. Mi fahalimwa piramidi, sikwahezo sa licwe, kono ki liito lelituna. Mi i bizwa cwalo, kwatasi a piramidi, “Liswayo lelituna.” Liswayo la mbande yaba America litalusa sikamañi? Lani ki liswayo la Mulimu. Muhupule, ne lu opelanga kapina nyana kuli:

Mwa musipili kaufela oliba kwa munzi wa  
moyo,  
Kuna ni Liito le li ku bona;  
Muhato kaufela o hata, Liito tuna le la tona,  
Kuna ni Liito le li ku bona.

Kiniti yeo. Mwahupula, hane lubile ni—ni tabo nyana?  
Kubulela kuli:

Haiba u uzwa ni kupuma ka buhata, kono mwa  
keleke inge ufa bupaki,  
Kuna ni Liito le li kubona.

<sup>130</sup> Cwale, liswayo lelituna. Cwale, lwa ziba, mi ha Ni u twisisi, butuna bwa piramidi. Kono Ni bile ni mi bulelela mina sicaba nako yefitile, mwa lituto zeñwi zetaha ze, kuli kaufela mulibone hanze li zamaelela, hamoho.

<sup>131</sup> Cwale, piramidi yakalisa, kuli ibonahalise Keleke, kwatasi ibapukile. Mi hainze i taha fahalimwa cwalo, ikala kutaha hahulu mwa—mwa sibupeho sa sileliso sa mezi.

<sup>132</sup> Cwale, lu fumana cwana kuli, i yo fita fa katangando fahalimu, mi ne li si ka fela. Kiñi? Kiñi? Ha ni zibi libaka! Kakuli Bibebe ibulezi kuli Licwe lakwa toho ne li hanilwe. Ne ba hanilwe.

<sup>133</sup> Cwale mutalime, lusika lwa keleke. . . Muteeleze ka swanelo cwale. Musike mwa mbwinja se. Lusika lwa keleke luzwile kwa makalelo a Kuongaonga, Luther, kwa linako za kwa mulaho nekuna ni macwe a mutomo ana beilwe, ili tuto ya baapositola. Mi lufumana cwana, linako halinze liya cwalo, kuzwa mwa lusika lusili kuya ku loluñwi, Keleke iba hahulu mwa bunyinyani ka nako ni nako, kufitela i yo kena sina. . . Luther ha na lutile za kubeiwa babalukile. Mi, kuba fela, ku ipulela fela kuba Mukreste, ne ba ka ku bulaya, mazazi a babulaiwa ba balumeli, babulaiwa.

<sup>134</sup> Cwale lu fumana cwana, mwa mazazi a Wesley, no bizwa mupikuluhu ya kenile ha u bulela Krete linako zani, yona Methodist yenca yani. Sicaba sa shimbuluka nako ya taha Wesley fa, mi Asbury, nebana ni mikopano mo mwa America, kubala litaba zabona za kale, mo ne ba bezi ni zona mwa mandu a likolo. Likeleke zabona fa ne li sa ba amuheli. Mi mafelelezo bafita mwa sibaka sa kuli Moya o Kenile no ka ba suluhela, mi ne ba alabana mwa mubu, mi ne ba ba sela mezi, ku ba fukiseza moya, ba bupula kuli neba welezi. Mi Ni bile mwa mikopano yabona nina, mwa myaha yaka ya mashumi aketalizoho. Mi Ni ba boni ha ba kena mwatasi a mata a Moya o Kenile sina cwalo, mi ne baba hasaka mezi kwa lifateho, ni lika kaufela, ba Methodist ba kale baba lukuluhile, myaha yemiñata kwa mulaho. Ani neli manyando.

<sup>135</sup> Cwale, he, kasamulaho wa lusika lwani lumano fita, lusika lwa baha Wesley, kutaha mwa lusika lwa ba Pentekota ni

kolobezo ya Moya o Kenile. Mwabona, musweli ku bupeha, ka nako kaufela. Cwale muhupule, Licwe la kwatoho lani ne li si yo kulona pili. [Muzwale Branham na ñozi señwi fa limati mi unata fateni habeli ka choko—Mu.] Kiñi? Ne li swanisisa Keleke handende kaswanelo, kamba piramidi kuli ikwane hande mwa Licwe la kwa toho, kono haili Licwe la kwa toho ne li si ka taha fateni. Oh, mwabona fo Ni inzi, nji cwani!

<sup>136</sup> Cwale, bulumiwa bwa Luther kufitela kufela kwa Pentekota, mwa kakwata nyana kani kuto fita fahalimu fa. . . Leo kona libaka Liseli halina litima mane, mwa lusika loo, fani fa kalenda, fa maswaniso. Ki lusika lwa pentekota, ba pentekota; isiñi—isiñi likopano zaba Pentekota, kakuli ne ba eza ona cwalo sina Laodesia. Ki ba Laodesia. Neba ezize sina Manikolai, baikongakonga.

Kono haili Keleke, lifasi kaufela, lifitile fa sibaka sa kuli kutahile bulumiwa mwahala Yona, kuswana fela sina bulumiwa bwa Jesu Krete. Cale kiñi zene ba bile ni zona? Ne ba beile taba yatani ka swanelo. Cwale taba yetata ki ifi? Licwe le li hanilwe le, la mwa piramidi, lene li pumilwe kwa lilundu (kusina sikamañi?) kusina mazoho. Mulimu na Li lumile. Kana mwa bona? [Kopano ili, “Amen.”—Mu.] Yena Yana hanilwe, Licwe le li hanilwe, kona toho ya Se; ki yena toho, licwe le li kwahela. Mi Yena luli ye ne ba hanile, ka lusika lwa Bamacaba, ki Krete. Mi Krete na si ka pumiwa ni kubeiwa fa kuba muyemeli, kamba mwan’a Mulimu, kamba muika yomuñwi yomutuna mwa keleke. Ki yena Moya o Kenile. Mi sikwaheliso sa fa piramidi ikaba kutaha kwa Krete. Kikuli mwa bona? [“Amen.”]

<sup>137</sup> Cwale, kakuli lina ni sibupeho sateni, (Mwabona ko Ni ngile sibupeho se sa piramidi cwalo, kuzuha kwa balumeli?) kuya kwa Kanya. Mwa utwisisa kana cwale? [Kopano ili, “Amen.”—Mu.] Krete, yena Licwe lakwa toho, Licwe le li hanilwe, Liito le libona linto kaufela, kuzamaelela handende ni Bibebe mo i bulelezi. Mi Daniele ubulela kuli na boni lusika lwa Bamacaba lo kufitela Licwe litaha kuzwa kwa lilundu, le ne li si ka kumulwa ka lizoho. Ha ba si ka beya licwe la kukwahelisa fa piramidi. [Muzwale Branham ungonota fa katala habeli.] Ne li si ka kumulwa ka mazoho a mutu. Ki lizoho la Mulimu lene li kumuzi Licwe lateni. Mwa bona kana? [“Amen.”] Mi kiñi ze ne Li ezize? Ne li natile fa siswaniso handende kwa mahutu, ni ku si luba mwa liembaemba, mane sa wela fafai kuba bupi. Haleluya! Kiñi ze ne ezahalile ka nako yani, kutaha kwa Licwe lani? [Muzwale Branham ungonota fa katala hane.] Mane Keleke ya ngelwa mwa Kanya, mwa Kuungelwa, kakuli ne se kufelile lusika lwa Bamacaba. Mulimu ali feleeza, kutaha kwa Licwe lani.

<sup>138</sup> Ne kuna ni batu bene ba tahanga kwa keleke kwanu, neli muuna yomusisani ni musala hae. Ne ba lwalanga Bibebe ni ku I lula fafasi kokuñwi; mi kipeto baya cwalo, inge baopela:

Oh, Ni bata Licwe lene li pikuluha mwa  
 Babilona lani,  
 Kupikuluha mwa Babilona . . . (Bapotohloha  
 cwalo, inge baba libata, mwabona.)  
 Nibata Licwe lani lene li pikuluha mwa  
 Babilona.

<sup>139</sup> Ki Yani fani! Kresre ki yena Licwe leo. Na si ka pepwa ki mutu. U pepilwe ki Mulimu. U tahela Keleke ye pepilwe sinca hape, ka Moya wa Mulimu, kakuli mata a Licwe la ku kwahelisa lani afita mwa Keleke kamukana, inge magesi.

<sup>140</sup> Ni hupula hane ni li fahalimu faa, inge ni talima sikayo sani ka nako yani, kone basweli ku lukisa lika zani kaufela. Ni bingengemwa bya lisipi byene bili fani, mi ba bi fiyelela fela kwahule. Licwe lelituna lani la taha mi la liinga kaufela, licwe lelituna lani la magineti, mi la li nanula kaufela kakuli ne li swalani kwa magineti yateni.

Lu lukela kutamahana ka magineti ya Licwe tuna la kukwahelisa lani. Licwe la kukwahelisa lani ki Moya o Kenile, Kreste. Mi mañi ni mañi wa luna u tamahani ka magineti ya Moya o Kenile. Licwe lani ha li nata fa siswaniso, Keleke i ka matela ku Yona, kukutela mwa Kanya. I ka ngelwa mwahalimu, mwa Kuungelwa kwa balumeli, nako I ngelwa mwahalimu ka lizazi lani.

<sup>141</sup> Cwale, mutalime fa. Lu fumana cwana kuli, Majuda basweli kukuta cwale, seli myaha ye mashumi amane, ka yona nako yeswana ye ba zwile ka yona hane ba mata kwa sinyeho ya tempele. Si ba tandezi myaha yebata kueza mashumi amane kuli bakute, kufitela ba yaha tempele yeñwi. Mwabona, lu kwa mafelelezo a nzila luli. Kihande, haiba Bamacaba . . .

<sup>142</sup> Cwale ha lungeni za . . . Lu bona Keleke, kutaha kwa Licwe. Ha lungeni lusika lwa mafelelezo. Lu fitile ku zona. Lwa bona cwale. Ni lumela kuli Ni na ni zeñozwi kulo fa. Ha lu boneñi, fa muzuzu feela. “Mi muhanyezi ya taha, yena yali antikreste, u ka iswala bulikani ni Majuda.” Mi Daniele 7 . . . kamba—kamba 9:27. “Mi mwahala sunda, myaha yemilalu ni hafu, sibatana si ka eza bulikani bwa sona . . .” Ni—Ni bata kutaha ku seo, kasumulaho nyana, ona bulikani bwani. Lu bata ku siya . . . Ni baka kukalisa fa cwale.

<sup>143</sup> Lufi ni lufi kaufela lwa masika a Bamacaba lufilwe handende ka swanelo mulumiwa wa lona, ni sene si ka ezahala.

Lusika lo *fa* neli lusika lo lunde.

Lusika lo lutatama, ibulezi kuli neku lukela kuba tuto yebizwa kuli, kamba nto yeñwi yetaha mwateni, yebizwa kuli, “ki—ki lipulelo za Manikolai.”

Mi sekutaha, nto yetatama, kutaha kwa kuba tuto.

Mi kwa taha, linyalo la...kwa keleke ya Manikolai, ni nyandiso ya balumeli. Kaufela za ezahala fela ka nzila ona yeo.

Lu taha ku se si tatama, ka Liseli nyana fela le li kalisa. “U na ni mata a manyinyani, mi una ni libizo la kuli wa pila, kono u shwile. Tiisa so sweli kale, kuli ha Ni taha, ni si ke na to zwisa lambi.”

<sup>144</sup> Kwa nalulelule kwataha Wesley, kuzwa fani, ni lusika lwa hae. Lu boni handende zeo...lusika lwa Wesley, ne lu bizwa cwani? Filadelfia. Neli lusika—lusika lo lutuna hahulu lwa lilato le lu kile lwaba ni lona fateni, lusika lwa ba Filadelfia, neli ka linako za John Wesley.

Nako yana ile, kwa taha ba Pentekota, mi kwani neli kuenya fela.

Mi lukuta mwa mulaho ni kufumana mufuta wa Liñusa lene li ka taha kwa Mapentekota, kwa mafelelezo.

Muhupule, mañi ni mañi na taha kwa mafelelezo a lusika. Mulumiwa Paulusi kwa mafelelezo. Babañwi babona kaufela ba taha kwa mafelelezo, Mulumiwa Irenaeus ni bona kaufela. Lusika lwa yomuñwi lwa tatama ku lo luñwi, kutatamana cwalo, mi a li pamula ni kuya nizona ku lo lutatama. Mwabona?

<sup>145</sup> Cwale, lu fumana cwana, mwa lusika lo, kuna ni naleli, sina mo ne lu bezi ni zona mwani. Luna ni naleli, mulumiwa. Luna ni mutu, ki—ki Liñusa le li libile kwa lusika lwateni; ki sicaba se si ka Li hana; sicaba si ka Li amuhela. Mi mulumiwa wa lusika lo na lukela kutaha mwa mata a Elia. Yeo ki niti. Mi na swanela ku “Kutisa Tumelo ya bana kwa bashemi ba bona, kutisa bo masiyaleti ba mapentekota, baba siyezi, kukutela kwa Tumelo ya niti ya buapositola.”

<sup>146</sup> Cwale, Tumelo ya niti ya buapositola, haiba mukona mu ipalele Yona mwa Buka ya Likezo, mu ka fumana kuli nekusina neba nako yekana foo mutu akile akolobezwa ka, “libizo la ‘Ndate, Mwana, Moya o Kenile.’” Kwali kuba neba yomukana wabona yakile a fafalezwa. Nekusina litaba ze luna ni za cwale zesweli kuezahala kacenu, lolubizwa Pentekota, ku ze ki le za ezahala kwa mulaho kwani. Nebana ni mibonahalelo ya niti, ni Moya wa Mulimu mwahala bona, yani neli yena Mwana Mulimu tenyene yana beleka ni bona.

Mutu yana lukela kutaha yoo, Liñusa lee, nitaluse, lene lilukela kutaha, na lukela kuba Elia. Elia na lukela kutaha linako zetalu.

Cwale mu bulela, kuli, “Joani Mukolobezi neli yena mutu yoo.” Haiba mu lemuha, Jesu naize neli Joani Mukolobezi yanali yena mulumiwa wa Malaki 3, isiñi Malaki 4. “Amubone, Ni luma numwana wa Ka fapila Ka.” Ni sepa ki Mateu 11:16, kutaha cwalo mu ka lifumana mwateni, Mateu kauhanyo ya 11.

<sup>147</sup> Cwale, kono mwa mazazi a mafelelezo, kuna ni kutaha Moya wa Elia mwahala sicaba, mi una ni kuezza taba yeswana yene ba ezize kwa mulaho kwani. Sibupeho sa hae ikaba se si swana, sibupeho sa Keleke. Sibupeho sa—sa mutu sikaba fela nto yeswana. Mi Liñusa lani la hasana, kulika . . . U ka toiwa, ki batu. U ka toya basali, babasina buiswalo, nihakuli cwalo, bona baba maswe. Uka lata lihalaupa; wa kacimacima, mucaha ya filikani ka nako kaufela, inge Elia mwa na bezi, mi sina Joani mwa na inezi. Mi luboni taba ye kaufela ha i ezahala. Haiba lubile ni Liñusa, lu bona kuli Kreste u hanilwe. Mu lukela kufumaneha ku iliñwi ya tutengo too kamba hamuna ku kena mwateni. Kacwalo, Yena, U kashelizwe kwande. Mwabona? Kreste hakoni kubeleka mwahala bona.

“U sikamañi wena?”

“Ni Mukreste.”

“U wa kopano ifi?”

“Ha ni wa siemba sifi kaufela.”

“Ha lukoni ku itusisa wena.”

<sup>148</sup> Mwabona, U hanilwe. Kiniti! Mwabona, uhanilwe! Kacwalo kona ni Elia mo ne ba muhanezi, ni Joani ki mo ne ba muhanezi. Kono, kana, ne li ba nyemisize nji? Kana ne li filikanyise liñusa la bona? Se bali, “Oh, mina baba omelezi milala.” Ba li sululela kubona. Ne ba si ka bika liñindi. Ne ba zwezi fela pili. Mi Liñusa la Mulimu li ka zwelapili ona cwalo, hakuna taba ka sa bulezi mutu, mwabona, kuisa kwa mafelelezo, mi cwale ha se ili . . . se si tomilwe si ka ezahala. Mi lu kwa maungulo.

<sup>149</sup> Cwale, lu ipumana ili luna cwale, ka myaha ye mashumi amane a kukuta, kukala kwa Ndwa Yapili ya Lifasi, mi Majuda bakutezi mwa mubu wa bona. Mulimu na si ka talimana ni Isilaele kufitela ayokena mwa mubu wa habo.

<sup>150</sup> Cwale, mwa hupula fani Majuda ha ba yokuta, ona Majuda bani habazwa mwa linaha zeñwi, ni ba *Look* magazine ba fa taba yateni. Ni balile kalulo nyana ya pampili, mutende omuñwi wa bulapeli, kuli hane bali . . . Lifulai zani zatuluka kwani kuli li yo nga Majuda bani kwa Iran. Mi ha Ni zibi ko ne kuinzi kaufela bona, ne ba hasanezi fela kulo kwani.

Cwale, bani kona Majuda ba niti, bona bene basina kolo. Cwale, muzwale, ki bao ba handeleti ni fote-foo sauzande ba mina. Ha lu ta fita mwa Sinulo 11, mu ka ba bona. Ki hali, “Kuna ni masika a twelufu (ku Gadi), masika a twelufu (ku Asere), masika a twelufu (ku Rubeni), masika a twelufu . . .” Mi kana ne ba yemi kai kaufela? Fa Lilundu la Sinai. Majuda, kukutela mwa mubu wabona, nebali mwani. Bao kona ba ba shutani kuba Wall Street sikwata sa makuluku sani. Batili, sha. Ne li Mujuda wa niti.

<sup>151</sup> Mi cwale muluti yomuhulu yoo hana yemi fani ni kubona naha ya musindi yee, Majufa bani. Mu li balile mwa mutende. Ne ba sa kekelanga ka likekele za likota. Mi ha ba bona nto yani ha i lula fafasi, ne ba sa ipotolohi. Yena muluti wa mucembele yana yemi fani ni kubulela kuli, “Muhupule, mupolofita wa luna naize, ‘Ha lu ta kutela kwa naha ya hesu, lu ka shimbelwa fa mafufa a mbande.’”

Linaha za ikaba, Isilaele wa zuha,  
Lisupo ze ne ba bulezi kale bapolofita.

Mane se lu li bukaufi ni kufita fa sunda ya busebene yabona yani.

<sup>152</sup> Na hupula, na kasibili, hane ni yemi kwani, fani Muzwale Pethrus ha luma libibele zezinyinyani za Testamente yenca, mi ba ipalela zona. Se bali, “Kihande, haiba yo ki yena Mesia, ha lu—ha lu Mu boneñi aeze sisupo sa Mupolofita; haiba Ha si ka shwa, Wa pila.” Se bali, “U zuhile hape; U pila mwa Keleke ya Hae; ha lu Mu boneñi haeza sisupo za Mupolofita, mi lu ka Mu lumela.” Majuda kamita ba lumela. . . Ba ziba kuli Mesia na lukela kuba Mupolofita.

<sup>153</sup> Mi ha Ne ni yemi kwani ku Muzwale Arganbright zazi lani, kwa sibaka, ni Majuda bani inge bayemi fani, bali, “Taha fela kwa sibaka sa luna, sicaba sa luna.”

<sup>154</sup> Na li, “Luli, Ni ka tabela kutaha kafoo.” Na iketela fela, kapili luli.

<sup>155</sup> Na fita kwa Cairo, Egypt. Busihu bobuñwi, ha Ni bona fulai yani inge itaha cwalo kwani kwa Cairo, ya ni hupulisa. Kacwalo ha lu potoloha kwa mulaho kwani, ne Ni nani tikiti yaka kuli ni ye kwa Israel, ne ba taha ku to ni katanyeza. Na li, “Zamaya, amutise likitikiti za bazamaisi. Mubatise kwanu ka fulai kokuñwi, lu ka ziba haiba U sa li Mupolofita kamba nee. Amen. Kihande, ha lu boneñi Sa ka eza.” Oh, mwani ne li fela mwa naha yabona. Kona fela ze ne ba bata. Kambe ne ba ka iponela zona, ne ba ka lumela.

<sup>156</sup> Kacwalo kiñi se ne Ni ezize? Na fita kwa Cairo kwani, mi Na funduka kuya kwani. Ne ni sweli tikiti yaka; nekusiyezi fela mizuzu ye mashumi amabeli kuli lukwele. Sesiñwi sa li, “Ha ki cwale. Sinwelo sa bumaswe, bwa Bamacaba, ha si si ka talelela kale. Ma Amori ha ba si ka talelela kale. Zwa mwa sibaka se!” Na hupula kuli mwendi Ne ni ikupulezi fela sani, mi Na ya kwamulaho wa ndu ya lifulai na yo lapela. Ali, “Zwa kwanu ona fa.” Mi Na nga tikiti yaka ni kuikela fela kusili. Ne ni si ka ya, kakuli nako ha i si ka kwana kale.

<sup>157</sup> Cwale, nako yeo Mulimu aka lumeleza Majuda bani, ku kala kubeleka ni bona hape, Ha ni koni ku ni mubulelela. Ha ni zibi. Hakuna ya ziba zeo. Kono, amuteeleze, haiba Isilaele sa keni kale mwa naha ya habo, kaufela ba itukisize. Macwe kaufela ana nuhezi mwahalimu, ni milapo ye sulula mezi, ni mezi, ni lika



kaufela za sepisize Mulimu. Ba fumana masima ni lika zeñwi kwani, ni milapo yemituna ye kwaluhile, kuli sani ki sibaka sesinde hahulu ku se mukile mwabona fateni. Bana ni munzi o yahilwe kwani. Bana ni za kuselaelisa licalo zabona. Bana ni mubu omunde hahulu ku yeliteni mwa lifasi kaufela, kwani. Mi lu fumana cwana kuli, ona mwa Liwate Lelishwile lani, kuna ni milyani yemiñata, luli, yekona kuleka lifasi kamukana. Mwabona?

158 Kaufela li wezi fela mwa lizoho la bona. Ne ba li ezize cwani? Kakuli pilu ya Hitler ne i tatafalizwe, pilu ya Mussolini ne i tatafalizwe, mane fela inge pilu ya Faro mo ne i tatafalezi, ni ku ba kenya kukutela mwa naha yani. Mi ka myaha ye mashumi amashumi amane babile bakutela mwa naha yani. Cwale bainzi ba libelezi.

159 Keleke ya Bamacaba i mwahala ba Laodesia, mafelelezo a Lusika lwa Laodesia. Haiba. . . Majuda se bakeni kale mwa naha yahabo, kale mwateni. Mi ni bukwenuheli bwa Bamacaba se bu ngile sibaka. Mi luna ni Mueteleli wa naha sina sina ye lunani. Luna ni naha ye i kabile sina yelunani yona. Luna ni mabomba a atomic anyendaela fa pahakilwe. Luna ni keleke ye enya fela. Luna ni Keleke, ki sicaba, se si taha fela hamoho. Luna ni bulumiwa bo bu swana ni bulumiwa bwa Jesu Krete, kuli bu swale Licwe nako ye Li taha. Kiñi ze siyalezi kuezahala? Ikona kuba ka muzuzu ufi kaufela. Hakusana nto ye siyezi. Lu kwa nako ya maungulo. Oh, kanya! Ha ni zibi haiba Ni ka kona kufita mwa nyakalalo ya jubile yani, kamba nee, kono Ni bata fela—fela kufita fa siemba sateni ku mina, nihakuli cwalo.

160 Muteeze. Mueze. . . Ki ba bakai bababona cwale? Kana mwabona foo Mañolo abonisa kuli lisunda ze sebente neli myaha ye fote-naini? [Kopano ili, “Amen.”—Mu.] Kana mwabona koo lisunda ze sikisite-tuu neli myaha ye mianda yemine ni mashumi amalalu ka zetalu nji? [“Amen.”] Mwa bona koo ze—ze sikisite-naini lisunda cwale neli—neli—neli. . . Neli sikamañi sani? Eiti handeleti ni. . . Fo handeleti ni—ni eite-sili myaha. Fo handeleti ni eite-sili myaha kufita ka nako yee. Mwabona fa na bulaezwi Nduna yani? Mwabona, munga myaha ye mashumi amane kuli Majuda bani bafite mwa sibaka sa bona mafelelezo, sona sa na bulezi Mulimu.

161 Mutalime fa fo kutahile lusika lwa Bamacaba mwa lika kaufela ze lu bulezi kuli nelikaba cwalo; koo, ha ki luna baba bulezi kuli kube cwalo; ki ze ibulezi Bible kuli libe teñi. Se ibulezi Bible kuli sibe sona, kutaha kwa lusika lwa mafelelezo loo; mi ka myaha ye mashumi amane Majuda bani babile ba kuta kwanu, baitukiselize kuli Mulimu aeze ona cwalo sa Na eizize kwani. Ba ya ka nzila yeo, mi ba taha ka nzila ona yeo. Mi Isilaele ukutezi mwa mubu wa habo.

162 Cwale, kana Mulimu uka kalisa lili sunda yabona ya mafelelezo? Kilili? Yakona kuba kacenu. Ikona kuba mane lizazi li si ka likela kale busihu boo. Mulimu uka libulela. Kana ki lili, Ha ni zibi. Na akaleza. Kono Ni ka tisa sesiñwi fa, cwale, mwa mizuzu yelikani, mi ha Ni zibi haiba mu ka lumela kamba nee. Kono Ni—Ni—Ni lukela ku si bulela, kupale kumane, Na lumela.

163 Lu mwa naha yaluna. Majuda ba mwa mubu wabona. Lu kwa mafelelezo a lusika, lu itukiselize Kuungelwa. Kuungelwa kwataha, Keleke ya ngelwa mwahalimu, lu ngelwa ku Mu katanyeza mwa mbyumbyulu. Kaufela lwa ziba cwalo. Licwe lene li pumilwe kwa lilundu, li ka taha ka nako kaufela. Mi ha Li taha, Li eza sikamañi? Li felisa lusika lwa Bamacaba. Ku felile, mi Mulimu handende u feza kubelekisana ni bona. “Ya masila aine ona cwalo ni masila a hae; ya kenile abe yakenile ona cwalo.” Mwabona? Kiñi Sa eza cwale he? U nga Keleke ya Hae, yetezi Moya o Kenile.

164 Ki ifi ya bu “fifite”? Yani ki mwananjo ya lobezi ni baba taha kwa katulo, mane ku to punya ni *kwanu*. Lu kanga zeo fa mapa isili, ha lu ta zwelapili ni ye, koo ataha kwa Katulo ya Lubona Lolusweu ku to atulwa ki baba liuluzwi. Paulusi na lu lutile ku sa isana kwa likuta, kakuli balumeli ba ka atula lifasi. Yeo ki niti. Lu kwa maungulo a nako, *kwanu*, cwale. [Muzwale Branham uswanisisa kwa siswaniso fa limati—Mu.] Ku lukile.

165 Mi mwahala sunda ye. . . Cwale, ki fa ya bu sebente. Cwale, haiba ze kaswanelo neli lilimo ze supile, ifi ni ifi ya lisunda, mi se lubile kale ni ze sikisite naini lisunda, kona kuli luna ni lusika lwa Bamacaba, mi luziba kuli lu kwa maungulo a lusika lwa Bamacaba, kipeto ku sa na ni sunda iliñwi ye siyalezi Majuda. Kana ki cwalo? [Kopano ili, “Amen.”—Mu.] Mi yeo luli ki myaha ye supile. Haiba *ye* neli myaha ye supile, *yani* ki myaha ye supile, kakuli Na ize, “Kuna ni lisunda ze supile ze sa tomezwi sicaba sa hao.” Kona kuli lu ziba kuli luna ni myaha yesupa kwa Majuda. Kana ki niti yeo? [“Amen.”] Cwale amutalime fateni. Haiba kuna ni puzo, Ni bata ku i ziba. Mwabona?

166 Cwale, mi mwahala sunda, mwahali a sunda ye ya Majuda; mwabona, zeo ki lilimo—lilimo zetalu; ki antikreste, mukwenuheli, mukwenuheli ya na ni kutaha. Mi muhupule, u zwelela kwa Rome, mukwenuheli ya lukela kutaha yoo. Ki sikamañi sali sona? Ki popu. Nduna yali mwahala sicaba, se si na ni kutaha, ku ka taha Faro ya sa zibi Josefa.

167 Cwale, mina Baipanguli muli, “Kihande, cwale, kona cwalo.” Kono fa muzuzu fela. Lu fumana kuli Baipanguli bana ni katengo, kaka kona eza tamahano ya likeleke, siswaniso sa sibatana, ni kuya hamoho ni bona.

168 Mi lu fumana cwana fa kuil Majuda ba bizezwa mwateni mwa tamahano yee, (eeni, sha), mi ba lumela. Mi Bibebe ibulezi kuli ne ba lumezi. Mi u iswala bulikani ni bona.

Mwahala sunda ya busebente, wa kaulezwa, antikreste u felisa bulikani bwa hae ni Majuda, “sicaba sahenu.” Kiñi?

Mi lu balile mwa Sinulo 11, kuli, “Ni ka luma . . .” Yeo ki 11. Mutaha cwale bukaufi ni 19 cwale. Kuli Uka luma bapolofita ba Hae bababeli, mi ba ka polofita ka nako yeo, mi kipeto ba ka nyemela batu ba mane ni ku ba bulaya. Kana ki cwalo? [Kopano ili, “Amen.”—Mu.] Mane mibili yabona yeshwile ika lobazwa mwa mukwakwa o bizwa Sodoma ni Gomora, koo Mulena luna na kokotezwi, Jerusalema. Ki niti yeo nji? [“Amen.”] Mi ba lobazwa fani ka mazazi amalalu ni masihu amalalu. Mi kasumulaho wa mazazi a malalu ni masihu, moya wa bupilo uka taha kubona, mi ba ka zuswa ni kuya mwa Kanya. Siemba sa bulishumi sa wa ka nako yani. Kana ki cwalo? [“Amen.”] Mwabona? Kiñi seo? Mwahala myaha ye sebente ya mafelelezo ye.

<sup>169</sup> Mi Keleke i ngelwa mwahalimu; mi cwale swalisano, mwananjo ya lobezi, Methodist, Baptist, Presbyterian, ni Pentekota ye enya, kaufela bona hamoho ni tamahano. Kakuli, ba bile kale ni nako yabona yetuna cwale. Mi ha ba ba cwalo, ba ka iswala bulikani. Mi, kihande, cwale, popu yomunca yoo yelunani cwale uka ba tisa kaufela bona mwateni. Kikuli ha muboni taba yateni haitaha cwalo? [Kopano ili, “Amen.”—Mu.] U ka bulela sesinwi fateni, ni kubatisa mwateni kaufela, nako yapili ka mianda ni mianda ni mianda ya lilimo; myaha ye sikiti, kamba likiti zepeli, se li ezahalile kale. Kono cwale una ni ku batisa mwateni kaufela bona, hamoho, ni kuezwa tamahano, mi teñi mwani Majuda ba ka li amuhela. Oh, mawi! Kanya! Haleluya! Ku lumbwe Mulimu waluna Ya pila kamita ni mita! Ki fo he cwale! Cwale, muzwale, kinto yebunolo fela, kuli neba mwana yomunyinyani wakona ku libona. Tamahano ya kutisa Majuda, ni Baipanguli, ni Katolika, hamoho.

Mi, muhupule, bapolofita bababeli ba kana ba ka eza sikamañi ha ba taha?

<sup>170</sup> Sibatana se, nduya ya ka to shandaula mata a sicaba se si kenile, u ka eza sikamañi? U ka feza bulikani bwa hae ni bona. Kasumulaho wa myaha yemilalu ni licika, uka ba leleka. Cwale, batu ba nahana kuli yeo ki swalisano. Zeo fela ki kuli kakuli mina . . . Moya wa Mulimu ha u si ka pila kale ni wena. Ha ki swalisano; ki bulapeli. Bibebe ibulezi kuli, “Li kaba hahulu bukaufi kuli mane lika puma nibona Babaketilwe haiba kinto ye konahala.” Jesu nabulezi cwalo. Mwabona, lu kwa mafelelezo.

<sup>171</sup> Cwale, bapolofita bababeli baa, ba ka eza sikamañi? Ki Mushe ni Elia ya ka to iponahalisa. Ba ka bulelela Majuda bani mafosisa abona. Mi kuzwa mwa sikwata sa Majuda bani babainzi mwani cwale, kuli babe ba handelei ni fote-foo sauzande, Mulimu uka biza bapolofita baa. Kinto mañi yeo? Ki Moya wa Elia, o zwile kwa Keleke ya Bamacaba yee, uka

zwelapili ona cwalo ni mwa kekeke ya Sijuda yani, kuzwelapili ni kubiza; Mushe hamoho ni yena. Haleluya! Mwa bona kana? [Kopano ili, “Amen.”—Mu.] Mi uka kutaza liñusa leliswana la pentekota, kwa Majuda bani, kuli ne ba hanile Mesia. [Muzwale Branham ungongota fa katala linako ze silezi.] Amen! Mwa bona kana? [“Amen.”] Ikaba liñusa le liswana la pentekota, le ba ka kutaza Majuda kubona bani. Mi ba ka toya Majuda bani hahulu luli kuli mane ba ka ba bulaya. Mi ne ba toilwe ki linaha kaufela. Mi mwahala sunda, kakuli ne ba zusize babatuna, baba kuma fa handeleti ni fote-foo sauzande. . . Neba ni Moya o Kenile. Mi, muzwale, mubulela ka za kueza limakazo, ne bali ezize. “Ba swala mahalimu, mi ha i si ka nela ka mazazi a bupolofita bwa bona; banata lifasi ka likozi, ka mo ne ba batela.” Ba fa likoto ni li ka zeñwi kaufela. Ba ka fa Maroma bani nzila yetata yakuya ka yona. Kono, kwa mafelelezo, ba ka bulaiwa. Mulimu waluna ki Mulimu ya buhali Ha filikanyizwe. Kono muhupule, zeo lifumaneha mwa sunda ya busebente, mi Keleke se ili mwa Kanya, (amen), Mukiti wa Sinawenga wa ezahala. Eeni!

<sup>172</sup> Cwalem mulemuhe. Kwani kona ko lu Mubona ha kutela mwa Tempele ya Mileniamu kulo kwanu kwa mafelelezo a lusika lwa Sijuda, “ba toziwa.” Ki yo Wa taha, inza pahami fa pizi yesweu; bene ba Mu latelela, fa lipizi zesweu. *Lipizi*, “mibuso.” Ba apezi zesweu; mali. . . kamba sapalo se si cimbekilwe mwa mali; se ne si ñozwi ku Yena kuli, “Linzwi la Mulimu.” U taha sina Mukomi yamata, (eeni, sha) kuli aine mwa Mileniamu, utaha mwa Tempele. Kanya! Kwani kona ko Akopana ni baba handeleti ni fote-foo sauzande, cwale, kasamulaho wa sunda ya bu sebente ye kwanu.

<sup>173</sup> Sunda ya bu sebente, ze sa ezahala ka nako ya sunda yabu sebente. Mwa bulalu, mwahali a zona, wa i kaba, kakuli u bulaya bapolofita bababeli bani ba pentekota (. . . sha) seo si nata falifasi.

Mi, mushimani, U kuta kekeke yani, mi U i cisa ka mulilo. Mi, kiñi, yena. . . Lu li fumana cwana kwani, neba balekisi ba yema fani, bali, “Bumai, bumai, munzi omutuna wani wa Rome, utile kwa mafelelezo a ona mwa hola iliñwi.” Wa lubabiwa mwa liemba emba. Mulimu uziba hande mwa ku ezeza lika. Mi leliñwi la Mangeloi la talima kwabuse, mi lali, “Kiñi, mali a mubulaiwa kaufela wa Krete na fumanwi ku yena,” ka ku mupuma, uzwela kwande kwanu ni kuikopanya, ni kueza mifuta yemiñwi ye kaufela ya lika, ni kusilafaza kekeke, ni kutisa lika zani mwateni, ni kubulaya bona kasibili luli bene ba lika ku Li babalela ni kulika ku ba zwiseza fande.

<sup>174</sup> Kanya! Oh, Hani—Hani zibi. Ni—Ni—Ni ikutwa kuzwelapili. Mwabona? Kana ha mu si ka taba ka Liseli la Mwana, kuzamaya mwa Liseli la Mwana! Fo lu inzi, muzwale? Kwa hola ya mafelelezo! Za kona kuezahala, ka nako kaufela. Ki luna baa!

<sup>175</sup> Ki—ki Liñusa le li ile kwa keleke ya mafelelezo, keleke ye hanile Kreste wa yona. Majuda ba inzi mwa naha yabona ka nako nyana ye tomilwe, myaha ye mashumi amane. Munzi omunca so yahilwe. Ba libelezi sikamañi? Ki kutaha kwa Mesia. Li ka ezahala lili? Ha ni zibi. Fani Licwe lani ha li nata siswaniso *fa*, U ile kale; se li felile cwale ka nako yeo.

<sup>176</sup> Cwale mulemuhe *fa*. Mwahala sunda, myaha yemilalu ni licika . . . myaha ye milalu ni licika, nitaluse, u felisa bulikani ni kueza sitabelo ni nubu ya sitabelo . . . se ne ba bile ni sona kale.

Kakuli, ba ka kuta mwa mulaho ni kubulela kuli, “Cwale, mutalime, mina kaufela mu likeleke. Wa kona kuamuhelwa mwa siswaniso se sa sibatana. Lu kaba ni kutwano. Lu ka feza swalisano. Lu ka fiyela fela swalisano kamuka ifele.” Mwabona? Mi bakona kueza cwalo. Mwabona? Mi ba ka eza ona cwalo.

<sup>177</sup> Kono cwale mutalime. Mi mu itukise, ni ku itukiseza taba yee, milapelo ya kazazi ni litabelo i ka kutela mwa munzi tempele ha se i yahilwe sinca. Mi nduna ya lukela kutaha mwahala sunda yoo, uka felisa bulikani bwa hae ni kufelisa litabelo. I bulezi kuli, “U ka shandaula, ku lishandaula.” Mi sa ka eza, mi si ka ina kuisa kwa mafelelezo.

<sup>178</sup> Mi amulemuhe:

. . . *kuhasana kwa bumaswe* kuisa kwa  
kushandauka . . .

“Kuhasana kwa bumaswe.” Kana *bumaswe* ki nto mañi? “Masila.” Mwabona? “Kuli ashaundaule,” kinto mañi yeo? “Ki ku lifelisa.” Kuhasana kwa taba *ye*, kufelisa litaba *zeo*. Mwabona? Kuyanduluka kwa mata Roma ani, ku koma mata kaufela a mwalanjo ya lobezi, Majuda ni babañwi kaufela. “Kaufela luna lukaba Maroma kusi cwalo hakuna se lukaba sona.” U ka felisa bulikani bwa hae mwahala sunda.

<sup>179</sup> “Kuyanduluka kwa bumaswe.” Haiba neli bumaswe mwa nako ya Jesu, fani Rome ha taha ni litaba za hae za buhata, ikaba Rome hape, ikaba bumaswe hape kwa keleke.

. . . ku *shandaula*, mi u ka zwelapili kuisa *kwa mafelelezo* . . .

Uka eza sikamañi? Uka zwelapili ni zona kuisa kwa mafelelezo, zeo kikuli, ki maungulo.

<sup>180</sup> Cwale, Sikuda, ni Siroma, Buipanguli (yoo ki kuli, mwalanjo ya lobezi), baka i kopanya hamoho mwa mufuta wa tamahano ya likeleke. Mi ikaba sina Jesu mwa na bulelezi mwa Mateu 24, ni kuzwa mwa Sinulo 13:14.

Ha luboneñi Sinulo 13:14, mwabona kana. Ne ni i ñozi faa, kuli ni bone fateni, 13:14. Ku lukile, sha.

*Mi sa puma baba yahile mwa lifasi ka limakazo ze filwe mata a kulieza* (kukopanya likelekez zee) *fa*

*pila . . . sa bulelela . . . fa pila sibatana; sa bulelela baba yahile mwa lifasi, kuli sibatana sene si tabilwe ka lilumo, mi si pilile, kuli ba si ezeze siswaniso.*

<sup>181</sup> Cwale, lwa ziba, ko ku tokwa neba kukakanya, ka yoo sibatani sani sili sona, ona puso yene nani ni sitombo sa ku si bulaya kono sa pila. Neli fani Rome wa buhedeni ha bulaiwa, ni Rome wa bu popu ayola sibaka sa hae; nako ya bulaiwa mata a buhedeni, mi mata a bupopu anga sibaka sateni.

<sup>182</sup> Cwale, cwale, Sinulo 13:14. Jesu, mwa Mateu 24, na ba lemusize ka zona. “Ki siswaniso sa sibatana.”

<sup>183</sup> Paulusi, mwa Matesalonisa Babubeli kauhanyo ya 2, timana ya 3 ni 4. Ha lu italimeñi, mubone Paulusi, sa bulela fa ka zona. Ona Moya o Kenile omutuna wani ku mupolofita yomutuna yoo wa Mulena, mwabona sa na bulezi mwa lizazi la mafelelezo. Mwa Matesalonisa Babubeli, kauhanyo ya 2 ki yona luli. Ku lukile, sha. Ni ku kalela fa timana ya 3, Ni lumela kuli ki yona. Ku lukile, ha lu baleñi cwale. Muteeleze hande, kaufela. Ki ba bakai baba lumela kuli Paulusi natezi Moya o Kenile? [Kopano ili, “Amen.”—Mu.] Amen. Mutalime faa.

*Mutu asike a mipuma ka mukwa omuñwi: kakuli lizazi leo halina kutaha, kakuli pili kuswanezi kutaha kwenuho, . . .*

U lika ku li zwiwa mwa litoho zabona kuli Wa taha kapili. Uli, “Ku lukela kuwa pili kwa Keleke,” mwabona, ko ku ka tahela Lusika lo lwa Laodesia.

*. . . mi muuna wa sibi yani uka- . . . patululwa, . . .*

“Muuna wa sibi,” kusa lumela mwa Moya o Kenile. Kusa lumela ku ka patululwa.

*. . . mwana wa sinyeho;*

Sina Judasi mwa na bezi, mubulukwi wa sikwama sa keleke.

*Ili muhanyezi ya ipahamisa fahalimwa se si na ni libizo la Mulimu, kamba a se si lapelwa; kuli uina sina Mulimu yainzi mwa tempele ya Mulimu, . . .*

Muzwale, kana kuna ni mutu mwa lifasi, kwande a a Vatican, yaezanga cwalo? Ki kai kokunani zeo?

<sup>184</sup> Cwale, amuzwelepili mo mwa Sinulo 13, ni mi bonise kuli muuna yo uinzi fa munzi . . . mwa munzi, mi munzi uyahile fa—fa malundu a sebene. Mi linombolo za sibatana ki sikisi handeleti ni sikisite-sikisi, liñozwi hande mwa—ka si Latin . . . litaku za Siroma, ki sikisi handeleti ni sikisite-sikisi, ili yona *VICARIVS FILII DEI*, yetalusa kuli, “Bakeñisa Mwana Mulimu,” fa lubona lwa popu. Mi sipula sa hae, sina ni kuwani ya maneku amalalu. Mi Ni talimile fa kuwani ya bulena yani, inge ni yemi bukaufi hahulu ni sifateho saka, sina cwana, mi—mi niboni kuwani ya bulena yekabisizwe hande ya popu mwa Vatican, na kasibili,

na yema ni ku italima, kuli Ni zibe hande ze Ni ambola fateni. “Wa lwanisa, u i pahamisa fahalimwa sesi bizwa kuli Mulimu, baana ba bulapeli kaufela. Ki yena ya kenile kufitisisa mwahala bona kaufela; u ina mwa tempele ya Mulimu, unza iponahalisa kuli ki Mulimu,” uswalela libi mwa lifasi, ni zeñwi cwalo, mwa ziba. Luli.

185 Paulusi naize, “Kuwa kwani ku na ni kutaha pili, kuli mwana wa sinyeho yani abonahale.”

*Kikuli ha muhupule, kuli, ha ne Ni sali . . . ni mina, Ne ni mi bulelezi litaba zeo?*

186 Oh, Ne ni ka tabela kuba kwani, inge ni teezeza Paulusi ha luta cwalo. Mina bo? [Kopano ili, “Amen.”—Mu.] Hum! Mo Ni tabelela ku mu teezeza. Oh, mawi!

187 Cwale ki sikamañi sa ka eza? “Ki sibupiwa sa sibatana.” Matesalonisa Babubeli. Cwale amuteeleze. Muteeleze ka tokomelo cwale, ka tokomelo luli. Keleke ne isweli kuutwa za kutaha kwa popu. Ki nto mañi yeo? Mafelelezo a lusika lwa keleke yani, Paulusi. Ne ba boni mukwa wa Bunikolai wo no taha wani; ne ba ka ikezeza muuna ya kenile, (kuba mañi?) popu. Bulifasi ni baika babatuna ne se ba keni mwa keleke, mi ba cinca milao ya milapelo. Paulusi, ka Moya o Kenile, a lemuha zeo mwa Moya. Mi keleke, ni likolo za yona ni baituti, mibonahalelo ya baituti, ni babañwi cwalo, kuli babona kuli nekutaha nto yeñwi. Mi Moya o Kenile no ba lemusa ka mazazi a maungulo. Kikuli ha muhupuli Jesu za na bulezi ka zona? Likezo za Manikolai, ze ne ti loba tuto kwa mafelelezo, mi cwale se i ba kopano! Mizwale, ha lu yo mwa lififi cwale. Muhupule, mwabona. Ki luna ba fa.

188 Likezo za Manikolai, kopano ya kalela ona kwani, mwahala baika babatuna, ni fahalimwa likeleke, ni zeñwi cwalo, mi ni ku to bupiwa mwa keleke ya Katolika. Mi Paulusi ali hakukoni kuba nako ya mafelelezo, hakukoni kuba nako yecwalo, kuisa kuwa kwa Tumelo ya niti, ya pentekota. Tumelo ya pentekota i ka feliswa, mane baika bataha mwatani. Ba kaba ni mutu ya ka nga sibaka sa Mulimu, ku mubeya mwa tempele ya Mulimu, mi wa lwanisa, u ipaheka fahalimwa sicaba kaufela cwalo. Mi, kikuli, mwabona, kiñi seo? *Nikao*, “ku koma keleke.” Mwabonaa? “Kaufela se si bizwa Mulimu; u ka ina mwa tempele ya hae ya Mulimu, sina Mulimu.” Paulusi naize kuli ku kaba ku kwenuha pili, mwa mazazi a mafelelezo. Mi ki luna ba fa, ona fa cwale, mi lwabona kukwenuha kwani, ni kubona keleke haiya iba kwahule ni kwahule a Zona, mi ikutela mwa lika zeswana hape. Mi se luli kwa nako ya maungulo. Ku lukile.

189 Cwale, haiba lisunda ze sikisite-naini li lumelela handende, ni Majuda se bali mwa mubu wa bona cwale, mi lusika lwa Bamacaba se lu natile handende kwa nako ya mafelelezo, kuisa kwa nako ya Manikolai. . . kamba kwa nako ya ba Laodesia;

ki bukaufi cwañi kwa Kutaha kwa Mulena, mafelelezo alika kaufela, mafelelezo a lusika loo, ni Kuungelwa? Nako Ya kalisa sunda ya busebente yani, kamba myaha ye sebene, Keleke ikabe iile.

<sup>190</sup> Kikuli mwa bona, balikani? Munanule mazoho amina haiba mwa li bona. Mwabona? Cwale, lusike lwa ba banana. Lusike lwa lata kubapala ni hanyinyani. Lu kwa nako ya maungulo. Sesiñwi si libelezi kuezahala. Lu kwa mafelelezo. Ki luna ba fa.

<sup>191</sup> Lisunda ze sikisitie-naini ze likwanile handende; kungelwa kwa Majuda kuswanezi handende; lusika lwa keleke lu kwanelezi. Lu kwa maungulo a nako, nako ya maungulo, lusika lwa keleke ya Laodesia, mafelelezo a lona. [Muzwale Branham uitusisa limati hanza toloka—Mu.] Linumwana za linaleli kauflea likutalime mañusa a zona. Li zwezi fande. Lu atumela fela kufueka. Majuda babile ba taha seli myaha ye mashumi amane. Sebali mwa mubu wa bona.

Kiñi zelukela kuezahala zetatama? Kutaha kwa Licwe. Ki luna bao. Ki nako mañi ye li ka ezahala? Ha ni zibi. Kono, muzwale, ku na, Ni bata kuitukisa. Ni bata kuba ni liapalo zaka li lukisizwe hande.

<sup>192</sup> Cwale, luna ni fela ni—fela ni mizuzu yelikani kihona, mi Ni lakaza kuli muteeleze ka kukuza cwale fa muzuzu fela.

Nako Ya kalisa sunda ya bu sebente, kamba myaha ye sebene, Keleke se iile. Cwale muteeleze. Na bulela hape, ni kutele fateni, kuli musike mwa libala. Se kona Moya o Kenile so no beile fa siñoliso saka hane Ni sweli kuñola. Lu mwa lusika lwa Laodesia. Kreste wa haniwa ki keleke ya Hae Tota. Naleli ya lusika lo, Liñusa, li se liutwahalile. Mi Isilaele sa li mwa naha ya habo. Mwa bona fo se luinzi? Lu kwa mafelelezo.

Cwale, ki lipulelo zelikani iliñwi kamba zepeli cwalo.

<sup>193</sup> Kaufela cwale zelubona zee, li ka lu tusa, ka muhau wa Hae, halunze lu atumela Maswayo Asupa a mafelelezo aa. Mwabona fo ne lu ka li mbwinjeza? Kuzwa mwa Sinulo 6:1 kuisa Sinulo 19:12, ne lu ka li mbwinja, kakuli, mwabona, neluka lika ku libeya kwa mulaho *kwani*, mwa lusika lwa Bamacaba loo; koo, mwa bona, ki mona mwa lusika *loo*. [Muzwale Branham uitusisa limati kuli abonise zabulela—Mu.] Mwabona?

Cwale, lu li bonisize ka Linzwi la Mulimu, ni ka litaba za kale, ni ka lika kaufela, ni ka lisupo za nako, ka mazazi, kuli hakuna ze siyezi. Se luli kwa maungulo a Bamacaba. Kana luka—kana luka eza sikamañi ka zeo? Ki moyo waka ni moyo wa hao; ki bupilo bwaka ni bupilo bwa hao; ki bupilo bwa balatiwa baluna. Lu ombaombilwe hahulu fa nako yetelele. Lubile ni lika zeñata hahulu zebunolo. Kihande lukale kushenya. Nako ifelile kufita mo mu nahanela, muhupulange fela cwalo.



<sup>194</sup> Cwale, ki taba yesabisa, haiba mubata ku i ñola. Muteeleze hande, shangwe. Ye kona taba yaka ya mafelelezo, fakaufi ni yona; Ni na ni taba nyana fa kasamulaho wa ye, ki kapampili nyana ko Ni bata kuambola fateni. Cwale mupumule fa nako nyana fela mi muteeleze hande, ni mife nto yeñwi ye sabisa, kuli muizamaise hanfe ni yee. Mwabona?

Mane hakuna neba tikanyo ya buhali bwa tipa yesiyezi mwahala lusika loo ni Kutaha kwa Kreste. Kaufela, hakuna lika ze siyezi. Kikuli Isilaele sa keni mwa mubu wa habo kana? Lwa ziba cwalo. [Kopano ili, “Amen.”—Mu.] Kana lu mwa Lusika lwa Laodesia nji? [“Amen.”] Kana Liñusa la lusika lwa pentekota loo lihasani nji, ka kulika kunyunga sicaba ku kutela kwa Mbuyoti ya makaleleo ya pentekota? [“Amen.”] Kana mulumiwa ufi kaufela utile mwa lusika lwa hae, ka mukwa oswana fela nji? [“Amen.”] Kana linaha lisweli kulwanisana ni linaha zeñwi? [“Amen.”] Matuku boo? Kana kuna ni tala mwa naha kacenu nji, Keleke ya niti izamaile ka limaili ze mianda anda inge ibata kuutwa Linzwi la Mulimu? [“Amen.”] “Isiñi fela kubata lico, kono ku to teezeza Linzwi la Mulimu.” Se kutile lukupwe. [“Amen.”] Kana ki cwalo nji? [“Amen.”] Kiñi, lu pila mwahali a zona luli, ona fa cwale. [“Amen.”] Mwabona fo luinzi? [“Amen.”] Lu libelezi Licwe lani.

<sup>195</sup> Ki taba ye sabisa! Kuzwa ka nako yeo Mulimu afa sepiso ku Abrahama. . . Musike mwa mbwinja se. Kuzwa ka nako yeo Mulimu afa sepiso ku Abrahama, Genese 12:3, kuisa ka nako ya Kreste a haniwa ka A.D. 33, ki Majuda; kuya ka Magalata 3:16 ni 17, ni kuya ka Usher’s, za U-s-h-e-r-’s, mundandwe wa litaba za Usher ka Maheberu; mata a Mulimu nali ni Majuda ka lilimo ze mianda ye naintini ni fifite-foo. Mulimu na beleka ni Majuda myaha ye mianda yemine ni fifite-foo, kuya ka mundandwe wa Jesu, ni kuya ka Magalata 3:16 ni 17. Ni na ni Mañolo amañata mwatani, kono mufe fela seo.

Mi, kasamulaho bamano hana Kreste, Asikuluhela ku Bamacaba, kuli aikungele sicaba se si sumekelwa Libizo la Hae. Mu bata Liñolo ka lona, sibaka sateni? Likezo 15:14.

<sup>196</sup> Cwale, kubala nako, lu fumana kuli luna ni hande (amuteeleze) myaha ye sebentini ye siyezi, mi lukaba ni sibaka se si swana sa nako ye filwe ku luna, sina Mulimu mo asweli kusebelisana ni luna mwa mata a Moya o Kenile, kuzwa ka A.D. 33 kutaha ka 1977. Yona kalulo yeswana ya nako, ya myaha ye mianda ye naintini ni ye fifite-foo, Mulimu usebeza ni luna ka kuswana fela sina mwa Na sebeleza ni Majuda. Kucwani ka zeo!

<sup>197</sup> Cwale, muñole mwa buka ya mina, Liñolo nyana fa le Ni bata ku mifa. Levitike 25, kukala ka timana ya 8. Mulimu abiza tukuluho, ka mwaha ufi kaufela wa bu fote-naini. Mwaha wa bu fifite neli ne u banga wa tukuluho. Lwa ziba cwalo. Lwa utwisisa cwalo. Kuzwa kwa tukuluho ya pili, ya Levitike 25:8, ka 1977

ikaba tukuluho ya bu sebentini, kueza lilimo ze kwanile hande ze sili sauzande foo handeleti ni mashumi amalalu. *Jubile*, italusa, “Kuzwa ka tukuluho! Kulukuluha!”

Oh, lu libelezi kutaha kwa Lizazi la tabo la  
Mileniamu lani,  
Fani Mulena luna ya fuyozwi ha ka taha ku to  
ngela Munyaliwa wa Hae ya libelela;  
Oh, lifasi la tonga, kulilela lizazi la tabo ya  
tukuluho yende lani,  
Mupulusi waluna ha ta kuta mwa lifasi hape.

<sup>198</sup> Kana mu utwile? [Kopano ili, “Amen.”—Mu.] Mulimu ubelekisani ni luna ka nako yelikana handende ni Ya sebelisani ni Majuda. Kuzwa ka nako Ya fa Abrahamama sepiso, kuisa kwa kuhaniwa wa Mesia mwa A.D. 33, neli myaha ye mianda ye naintini ni fifite-foo. Mi cwale luna ni myaha ye sebentini yesiyezi. Neluna ni myaha ye mianda ye naintini ni ye mashumi amalalu ni fahalimu cwalo. Luna ni myaha ye sebentini ye siyezi, kufita ka '77, ikaba myaha ye sebentini ya tukuluho kuzwa ka makalelo a kulukuluha. Mi ikaba sikamañi? Oh, muzwale! Mutalime ka tokomelo cwale. Musike mwa li mbwinja. Ikaba tukuluho ya kungelwa kwa Munyaliwa wa Bamacaba, ni kukutela kwa Kreste kwa Majuda, nako ye ba zwa mwa bukoba. Amen! Kana ha muboni nji? Kuzwa kwa lifasi kaufela, ba kopanezi kwani ka lizazi lani. Oh, mawi! Mwabona fo luinzi kana? Haluzibi nako yelikona kuezahala. Lu kwa nako ya maungulo.

<sup>199</sup> Cwale amuteeleze. Ku mina bakale mo mwa—mo mwa keleke, babase ba bile mo fa nako yetelele, Ni bata kuli mulemuhe nto yeñwi. Ne ni si ka ziba litaba ze konji maabani; Ne ni li ngile ku za ikale, Paul Boyd, mi cwale. . . Mi Ni li latelezi kukuta hande mwa Mañolo, ni kutalima mazazi amañwi aliteni faa, ni zeñwi cwalo, mane na li fumana, ni kuli alunguta hande, ku li latelela kaswanelo.

<sup>200</sup> Cwale, ka 1933, ha ne lu sa lapelela mo mwa tempele ya ba Masonic, ko kuyemi church of Christ kacenu, kakusasana omuñwi kweli ya Lungu, ni si ka zwa kale kwa lapa, Ne ni sweli kuneela mota yaka (Nina ni mota ya lilimo zamwa ma '33, mi ne Ni sweli ku ineela kwa sebelezo ya Mulena.), mi mwa pono, Na bona nako ya maungulo (Cwale mulemuhe taba ye mo i bezi ye komokisa, kukutela inge Ni sa li fela mushimani, mi mwakona kunahana mota ya mwa lilimo za 1933 mo ne i bonahalela, cwale, mo ne i bonahalezi.), mi Ni ile kwani kwa tempele yaba Masonic, kwani, babañwi ba mina ba kale mo mwa hupula, liñozwi fa pampili yeñwi kwandu, liñozwi kale ka kupulintiwa mi se li hasani mwa lifasi, mwabona, mwani neli mwa 1933, mi Ne ni nuhile kuli kuna ni taba yetuna ye ka ezahala mwa United States ye sapili, kamba, silimo sa 1977. Ki babakai baba hupula ha ne

ni bulezi cwalo? [Sicaba sa bakale sili, “Amen.”—Mu.] Mutalime fa lizoho. Luli.

<sup>201</sup> Cwale mutalime. Ne ni bulezi ka kunuha lika ze sebene ze ne ka sa taha . . . kusika taha kale mafelelezo amatuna aa kamba nto yetuna ye ka ezahala mwa United States, nto yeñwi yetuna yesabisa. Na li . . .

Cwale muhupule, nako ye ne li si ka kala kale. Ne ni bulezi kuli lu ka kena mwa Ndwa ya Bubeli ya Lifasi. Ki ba bakai baba hupula ha ni bulela cwalo? Muli, “Amen.” [Kopano ili, “Amen.”—Mu.] Ku lukile. Ndwa ya Bubeli ya Lifasi! Na li, “Mueteleli wa naha cwale yali . . .” Ne ni swanisise timana ye ya kale, mane, nto ya kale maabani, kuli, “Mueteleli wa naha ye luna ni cwale,” yanali yena . . . Ki ba bakai baba hupula kuli neli mañi? [Muzwale uli, “Franklin Roosevelt.”] Franklin D. Roosevelt. Ne niize, “Mueteleli ye luna ni cwale uka fita neba mwa kalulo yapuso yabune,” nali mwa nako ya hae ya pili nako yani, “u ka yema nako yabune, mi lu ka kenelela mwa Ndwa ya Bubeli ya Lifasi.”

<sup>202</sup> Na li, “Muhapelezi wa muuso ya taha mwa Italy, yani ki Mussolini, uka ba mueteleli. Mi u ka ya kwa Ethiopia, mi Ethiopia ika wela kwa mahutu a hae.” Kuna ni batu babaliteni mo cwale baba ziba, kuli kuna ni sikwata sa batu sesitile mi si yemi, hane Ni na ni mukopano waka mwa muyaho obizwa Redman’s Hall kwani busihu bwani, ha Ne ni ile kwani ku yo kutaza kuli, Redman’s Hall, mi neba bata ku ni leleka mwa muyaho wani ka kubulela cwalo. [Kezeli Wilson uli, “Amen. Yeo ki niti.”—Mu.] Eehe. Eehe. Bomaa. Wilson, Ni ziba kuli muna . . . [“Yeo ki niti.”] Yeo ki niti. Ha ne ni bulezi cwalo . . . Kono na ezize cwalo? “Kono,” Na li, “uka taha kwa mafelelezo a swabisa,” mi aba ona cwalo. Yena ni musali yana bile ni yena mwa liketisa, na futuzwi mi a tamelelwa mwa mulala mwa mukwakwa, mahutu abona mwahalimu, liapalo za bona inge lilepelela. Ku lukile, zeo za to ezahala ona cwalo.

<sup>203</sup> Mi cwale Na li, “Basali se ba lu melezwe kubota. Yeo mane ki taba yeswabisa mwa naha. Mi, ka kubota cwalo, zazi leliñwi baka keta muuna ya maswe.” Mi baezize cwalo mwa liketisa zefelile zee. Mawi, mawi! Yabune. . . (Ne ni ize, “Saansi ika zwelapili mwa naila yecwalo. . .”) Batili, faa, yeo ki ya bulalu. Mu ni swalele.

<sup>204</sup> Ki ye yetatam, foo, yabune. Ne niize, “Ndwa yaluna ikaba ni Germany, mi baka yaha sibaka sesituna sesitiile ka samende ni kusilelezwa mwahali mwani, mi ma American ba ka bitelwa fafasi luli kulikitiwa.” Mulimu Yamata kaufela wa ziba, ye No Ni yemi fapila hae cwale, Ne ni boni ba Nazi baba lukuluhile bani haba lundula ma Americani cwalo, mi lika zeñwi, kwa limota zani. [Muuna mwa kopano uli, “Amen.”—Mu.] Mi ki bao bashimani babañata ba bayemi fa cwale bene baliteni kwa

Siegfried Line kafani, baba ziba mo ne liinezi. [“Amen. Eeni, sha. Amen.”] Mi muhupule, yani neli myaha ye ilebene kale lis ika ezahala kale kwa Siegfried Line ko ne i yahiwa kwani. Kana Mulimu ki wa niti nji? [Kopano ili, “Amen.”] Kana U sa bulelanga lika ze ka ezahala kwapili? [“Amen.”] Mutalime. Yeo, yeo neli ya bune.

<sup>205</sup> Cwale wa bu ketalizoho. “Sayansi ika zwelapili mwa mufuta o cwalo kufitela ba ka panga mota ye si ke ya zamaiswa ka mukoboco. Mi limota li ka zwelapili kuba sina lii, kuisa kwa mafelelezo, a nako. Ne ni boni lubasi lwa ma American ha lu shetumuka mwa mukwakwa, neli nzila ye bapukile, inge ba pahami mota mikokoto yabona italimile ko kulukela kuba mawili, ne kubonahala inge kuli ba bapala makadi.” Mi luna ni yona. Iteni fa mazimumwangala. *Popular Science, Mechanics*, nitaluze, kaufela bana ni yona. Luna ni yona mota. I zamaiswa ka rimoti, ka—ka ya likunupo. Mane habana kuba ni mukoboco ku yona. Ki kuina fela sina cwana, inge musina sina foni yamina, kipeto mota yamina yakala ku i tamaela; haikoni kupindumuka, kamba mane hakuna zecwalo, kusina linota zeñwi. Magineti ika li beya kwahule ni wena. Mwabona? Bana ni yona. Oh, mawi! Munahane ka yona. Ne i bulezwi myaha ye mashumi amalalu kwa mulaho li si ka ezahala kale!

<sup>206</sup> Cwale, seo si lu tisa cwale kwa liketisa za Mueteleli Kennedy.

Mi mota ye fa—yona seibonahala cwale, kutisa lika zeketalizoho (kuzwa ku ze supile) ze se liezahalile kale hande.

<sup>207</sup> Cwale, Ne ni nuhile, mi ne ni ize, “Ne ni boni musali yakutekeha ya ti lo yema, yana bonahala hande, yana apezi liapalo za mubala wa pepo zetula za bulena.” Mi Ni na ni tufelwani nyana fa kuli, “(Na li muzamaisi yomutuna mwa United States; mwendi ki keleke ya Katolika.)” Musali, ki musali cwalo; Ha ni zibi ikona kuba keleke ya Katolika. Ha ni zibi. Ha ni koni kubulela. Nto ye Ne ni boni fela, Ne ni boni musali, kihona.

<sup>208</sup> Kono yo ki naha naha ya musali. Naha ye ki ya bu setini, mwa sipolofita. Ina ni mubala ha setini, linaneli ze setini. Ikalile ka litolopo ze setini. Setini, setini, lika kaufela ki setini. I bonahalela mwa kauhanyo ya 13 ya Sinulo, mane. Ki yabu setini. Mi ki naha ya musali.

<sup>209</sup> Mi likuta za litelekano mwa America ki zeñata hahulu, ka bahame baluna, kufita linaha zeñwi kaufela zesiyezi. Buiswalo sakata mwa naha yaluna butotobezi, ni litelekano, kufita mo kuinezi mwa France kamba Italy, kuli mane butanya se buhasanezi mwa mikwakwa. Kacwalo, kono ki mahule; baluna ki basali babanyezwi babalika kupila ni baana babañata, ni baana babañwi ba banyezwi balika kupila ni basali babañwi.

<sup>210</sup> Mwa linaha mo ku na ni libali, ki linako zelikana likitikiti hande. Mi, ibo, libali li fosahalile, lwa ziba. Kono, libonisa fela mo lubezi baba shebile maswe.

211 Ni na ni kaemba ka pampili kwani, kaka bonisa bashimani ba luna ba ma American ha ba ya kwabuse bwa mawate, mwa ndwa ya mafelelezo ye, yefelile yani, Na lumela, neli sebente pesenti. . . Kiñi, cwale, mulibelele fa muzuzu, Ni lumela kuli neli babalalu mwahala babane kaufela bene baile kwabuse bwa mawate, ne ba hanilwe ki basali babona ba si ka kuta kale. Ni miñolo yemituna yani neili, “Kiñi ze ezahalile kwa buiswalo bwa sicaba saluna sa ma American?” Mwa hupula kulibona? [Kopano ili, “Amen.”—Mu.] Kaufela mina mwa hupula, Na sepa. “Kiñi ze ezahalile kwa bahame bama American?” Limela, libeleka ni baana basili. Ki naha ya linaha. Ukaba ni sikamañi? Musali ki mulimu wa maswaniso, kamba kalimu kaka lapelwa.

212 Cwale, he, kasumulaho wa zeo, Na fetuha na talima. Mi Na bona United States ye inge ituka mulilo inge ondo, macwe na kashelizwe mwahalimu. Mi ne i tuka inge si—si sibili sa likota zelongilwe, kamba nto fela ye lyakata mulilo. Mi Na talima kufita fahule mo ne Ni konezi, mi ne i hasani kashezwa mwahalimu. Mi cwale pono ya ni siya. Zeketalizoho ku zetalu li ezahalile. . . kamba zeketalizoho ku ze supile li ezahalile, nitaluse, li ezahalile.

213 Mi fa sekutaha mi sa bonisa. Mi se Ni nuha. Ne ni si ka bulela kuli Mulena na ni bulelezi zona, kono, ne ni yemi mwa keleke yani kakusasana wani, Na li, “Zwelopili ya lika. . .” Na yo fita kwa mafelelezo a limota labona, ni kuya kwa mafelelezo a limota leliñwi. Na li, “Zwelopili mo isweli kuzamaela, Ni ka nuha ka kuakaleza kuli nako. . . Ha ni zibi ze Ni bulelisa cwalo. Kono ni akaleza kuli li ka ezahala mwahala cwale, 1933, ni 1977.”

Mi kusina kuziba zateni, Mulimu uziba pilu yaka, Ne ni si ka li ziba konji maabani, kuli 1977 ki mwaha wa tukuluho, mi ka nako yeswanela handende ya Na file kwa Isilaele, ni lika kaufela kwa mafelelezo. Kacwalo lu fa. . . Mi ki luna ba kwanu kwa mafelelezo a lusika, kwa kutaha kwa sunda ya busebente. Ha lu zibi nako yeo Keleke i ka ya. Oh, mawi! Lukona kueza sikamañi, balikani? Luinezi kai kana?

214 Kana mwabona seo luli sona cwale? [Kopano ili, “Amen.”—Mu.] Kana mwa utwisisa sunda ya bu sebente ya Daniele cwale? [“Amen.”]

Mwabona, cwale, ha lu ka kena mwa Maswayo a ni lika zeñwi, ku punyeleza mwa Maswayo ani. Wapili ya taha cwalo, ki mupahami wa pizi yesweu, mi una ni buta mwa lizoho la hae. Mulemuhe kuli mutangana yo ki mañi. Mutalime mupahami wa pizi yeseta yani mwa mulaho wa hae. Mwabona? Mutalime kuli ki mañi yani, mi mutalime mo ba tahela. Mutalime bani ba handeleti ni fote-foo sauzande baba taha mwateni. Mutalime mwalanjo ya lobezi yani ha taha mwateni cwalo. Mi mutalime cwale ze ka ezahala zani: kusuluha kwa Linkwana zani, Likoto, mioya yemilalu ye masila yeswana sina limbotwe. Mutalime lika

zani mo li tamahanela hande mwa likoto zani, ka nako ye li suluha. Nako kaufela Liswayo ha ne li kwaluha, koto ne i suluha, mi sinyeho ya taha. Mi mutalime se si nga sibaka ona kwanu kwa mafelelezo.

<sup>215</sup> Mi, oh, mutalime bapolofita babalalu bani...kamba bapolofita bababeli baa, ha ne ba taha. Mi mwahali a sunda, ba bulaiwa ona cwalo, mi cwale kwa kalisa Ndwa ya Armageddoni. Mi Mulimu akala kubulela, Yena luli Kasibili, mi Wa yema ni kukala kulwana. Bapolofita bani bataha mwa lifasi. Ba sweli kukutaza ka Libizo la Jesu Kreste. Basweli ku kolobeza ka ka nzila yeo. Basweli kueza nto yeswana yene ba ezize mapentekota, bashemi bakale, mi babañata ba balatelela. Kono bani bene ba kopani, katengo kani, kutaha ona cwalo kushetumuka, mi neba mata a bapolofita bani na si ka li sinye. Mi mafelelezo ba li, “Lu ka ieza fela kuba kopano.” Mi atisa mwateni (kiñi sani?) ki kushandauka, Buroma, kuli ihasane mwa sibaka kaufela, kueza sinyeho. “Bumaswe bo bu tisa kushandauka,” kunga lika kaufela, “masila.”

<sup>216</sup> Muhupule, me wa kale wa lihule yana inzi fa sibatana, yana apezi ye fubelu cwalo, sene si na ni litho se sebene ni manaka a lishumi. Mwa hupula cwalo? “Mi na sweli komoki mwa lizoho la hae, za masila kushandauka kwa hae.” Yani neli tuto ya hae ya na luta sicaba. Mi ki luna bao foo, mizwale baka. Lu ka mafelelezo a nako.

<sup>217</sup> Bana babanyinyani, ha lu zibangi, hakulata lwakona kuzwa mo ni kupalelwa kukuta hape busihu boo. Hakulata halukoni kupila kuli lubonane hape. Ha ni zibi. Kono, mafelelezo a sutelezi hahulu, mafelelezo a fa kaufi luli. Ki le fa Liñolo. Kuna ni fela handende, kaswanelo, patisiso ya Mañol.

<sup>218</sup> Cwale, haiba kuna ni sesiñwi so sa utwisisi, u ni ñolele kañolo kuli ni zibe kazona. Mwabona? Mubulele nto yeñwi. Babañwi ba mina mizwale kwande koo kwa matepu, mwa libaka zeñwi, haiba kuna ni sesiñwi se Ni kona ku kutusa ka sona, aku ni zibise. Mwakona ku sa lumelelana nina, mi nina Na kona ku sa lumelelana ni kopano ya henu; isiñi wena, kono ki mulao wa kopano ya hao. Ha ni kakani ni mina sicaba sa Katolika. Ha ni buleli kuli Ha ni lati sicaba sa ba Katolika, Ha ni lati sicaba sa likopano. Zeo ha li cwalo. Ni lata batu kaufela, kono ha Ni lumelelani ni mulao osweli ku mibeya mutamilwe. Woo kona, mulao wateni. Ki ona.

<sup>219</sup> Ne ni sa lwanisi ba Germany; ne li ba mulao wa Nazism. Ne ni sa lwanisi ma Italian; ne li kulwanisa ba—ba bu Fascism. Mi muhupule, Ne ni bulezi zeñwi za kuakaleza mwa nako yani, neli kuakaleza fela, mane buñata bwa mina bakale mwa li hupula. Ne niiize, “Kuna ni milao yemilalu yeliteni mwa lifasi kacenu: Fascism, Nazism, ni Communism.” Mi kiñi zene Ni bulezi? Kaufela ne li ka felela mwa swalisano ya Communism.

<sup>220</sup> Mi Ne ni kutezi fela fateni ku mina kamukana kuli, “Mutokomele Russia.” Mwa hupula cwalo? “Mutonele meto amina fa Russia. Ika felela mwa swalisano ya Communision.”

Mi kipeto li ka fela kamukana, kwa maungulo, mwa Bukatolika. Muhupule, kaufela li ka felela mwa Bukatolika mwa nako ya mafelelezo. Yeo luli ki niti. Koo ki kwa mafelelezo a Ndwa ya Armageddoni, ona *fa*, nako ya taha Kreste, Kasibili.

<sup>221</sup> Kono bapolofita babalalu ba . . . Myaha yemilalu ye ni licika, nitaluse, mo ki mwa Sinulo 11:3, mu li balile ka linako zeñata, “Ni fa mata aka kwa lipaki za Ka zepeli, mi ba ka polofita mazazi alikana mianda yemibeli ni a sikisite.” Ki amakai ao, mazazi akuma wani sauzande tuu handeleti ni sikisite? Ki myaha ye milalu ni licika. “Mi kipeto baka bulaelwa mwa mukwakwa,” ona mwahala sunda ya busebene yee.

Kacwalo, mwabona koo lisunda ze sebente za Daniele ko liinzi? Mwabona ko lupila? [Kopano ili, “Amen.”—Mu.] Lu kwa mafelelezo, balikani baka baba latwa. Lu kwa mafelelezo. Ki mazazi . . .

Linaha za ikaba, Isilaele wa zuha,  
Lisupo zene ba bulezi kale bapolofita; (Ki luna  
bao.)

Mazazi a Bamacaba a balilwe, (*onafa*) ni  
misima ikatilwe;  
“Amukute, Mawe haenu, mina mu yambaezi.”

Ha lu opeleñi:

Lizazi la kuliululwa li fakaufi,  
Lipilu za batu za ikalelwa ka sabo;  
Mutale ka Moya, malambi a mina a tuke mi  
amonyehe,  
Mutalime kwa halimu, kuliululwa kwa mina  
ku sutelezi!

Oh, mawi! Ha kinto yende yeo?

Linaha za ikaba, Isilaele wa zuha,  
Lisupo zene ba bulezi kale bapolofita;  
Mazazi a Bamacaba abalilwe, ni misima  
ikatilwe,  
“Amukute, Mawe haenu, mina muyambaezi.”

Cwale hamoho.

Lizazi la kuliululwa li fakaufi,  
Lipilu za batu za ikalelwa ka sabo;  
Mutale ka Moya, malambi a mina a tuke mi  
amonyehe,  
Mutalime kwa halimu, kuliululwa kwa mina  
ku sutelezi!

Haluboneñi ni mi opelele timana yelikani.

Bapolofita babuhata ba puma, Niti ya Mulimu  
 ba i latuzi,  
 Kuli Jesu Kreste ki yena Mulimu waluna;

Basweli ku Mu eza Mutu wa bulalu. Mwa ziba cwalo. Kono,  
 Ha yo cwalo. Ki Mulimu waluna.

Kono luna luka zamaya mo ku zamaile ba  
 apositola.

Kakuli lizazi la kuliululwa li fakaufi,  
 Lipilu za batu za ikalelwa ka sabo;  
 Mutale ka Moya, malambi a mina a tuke mi  
 amonyehe,  
 Mutalime kwa halimu, kuliululwa kwa mina  
 ku sutelezi!

<sup>222</sup> Kana hamu si ka taba? Kutela kwa Luñusa, muzwale! Kutela  
 ku za makalelo! Kutela kwa pentekota! Kutela kwa mbuyoti ya  
 niti! Kutela kwa Libizo la Jesu Krest! Kutela kwa kolobezo ya  
 Moya o Kenile! Kutela kwa lisupo ni ze komokisa! Kutela kwa  
 pentekota! Zwa mwa kopano! Kutela kwa Moya o Kenile! Ki  
 yena Muluti wa luna.

Kakuli lizazi la kuliululwa li fa kaufi,  
 Lipilu za batu za ikalelwa ka sabo;  
 Mutale ka Moya, malambi a mina a tuke mi  
 amonyehe,  
 Mutalime kwa halimu, kuliululwa kwa mina  
 ku sutelezi!

<sup>223</sup> Haki nto yende yeo? Kana mupolofita na bulezi sikamañi  
 mupolofita? “Ku ka taha nako ha li ka ezahala, yemusike  
 mwabiza kuli busihu kamba musihali.” Mutalime mo libezi.  
 Mwabona? Oh, ha ki bumaswe ni boo, mwahala masika a  
 likeleke!

Kono kuka—kuka ba Liseli ka nako ya  
 manzibwana,  
 Nzila yeisa kwa Kanya mu ka ifumana kaniti;  
 Mwa nzila ya mezi kuna ni Liseli kacenu,  
 Kupumbekwa mwa Libizo lelinde la Jesu.  
 Banana ni babahulu, mubakele libi za mina  
 kaufela,  
 Moya o Kenile uka kena mwateni luli;  
 Maseli a manzibwana aa atile,  
 Ki niti kuli Mulimu ni Kreste ki Alimuñwi.

Ku kaba Liseli (Kaufela zeo!) mwa nako ya  
 manzibwana,  
 Nzila yeisa kwa Kanya mu ka ifumana kaniti;



Mwa nzila ya mezi kuna ni Liseli kacenu,  
 Kupumbekwa mwa Libizo lelinde la Jesu.  
 Banana ni ba bahulu, mubakele libi za mina  
 kaufela,  
 Moya o Kenile u ka kena mwateni luli.  
 Kakuli Maseli a manzibwana atile,  
 Ki niti kuli Mulimu ni Kreste ki Alimuñwi.  
 (Haki babalalu; kono Alimuñwi!)

<sup>224</sup> Kutela kwa Liñusa! Kutela kwa makalelo! Kutela ku za na lutile Paulusi! Kutela kwa kolobezo ya na kolobeza ka yona! Na boni batu bakolobezwa ka nzila isili; aba bulelela kuli bakolobezwe sinca hape. Na ize, “Haiba Lingeloi ne li ka zwa kwa Lihalimu, mi likutaze nto isili fela, Yoo abe anatema.” Kacwalo, ki kukutela kwa Liñusa hape, mulikani! Ki nako ya manzibwana.

<sup>225</sup> Oh, Na Mu lata hahulu! Mina boo? [Kopano ili, “Amen.”—Mu.] Ki ba bakai bababona sunda ya busebente ya Daniele cwale, ni kubona seo sunda ya bu sebente ili yona? Ki ba bakai babalumela cwalo? Muli, “Amen.” [“Amen!”] Amen! Kulumbwe Mulimu!

<sup>226</sup> Cwale, kinto mañi yetatama? Maswayo Asupla cwale. Lu kena hande ku zona, foo Mulena ha lumeleza. Zeo li ka ezahala lili, Ha ni zibi. Ki nako kaufela Ya ka li zibahalisa, kona fo lu ka kenela ku zona. Kona lukaba ni mukopano, o mutelele, kakuli li ka zwa mwa kauhanyo ya 6 kuya mwa kauhanyo ya 19, mi ni bunya mo Ni inezi ka zona.

<sup>227</sup> Cwale, Ha ni lati kuli kuli kube neba yomukana inge a sa utwisisi se. Tepu i sa lila. Ha ni lati kuli kube ni ya ka lyanganaha. Musike mwa palelwa ku utwisisa cwale, mi muli, “Muzwale Branham na bulezi kuli Jesu uka taha silimo sa 1977.” Ne ni si ka bulela nto yecwalo. Jesu wakona kutaha kacenu. Kono Ni akalelize kuli mwahala ’33 ni ’77 kuna ni se si ka nga sibaka, kuli litaba ze Ni boni zee li ka to ezahala, neli mwa pono, li ka ezahala. Mi ze ketalizoho za zona li ezahalile. Mi Na lumela, ka lika za atomic zeluna ni cwale. . . .

<sup>228</sup> Mi kana muboni sa na bulezi Muteleleli waluna wa naha? Kuli ubata ndwa yeñwi. U bata kubonisa mutala kuzwa—kwa Berlin, a bulela. Na bata kueza mutala. Kucwani ka Cuba kwanu kwa sikwalo sa kwa maandamino aluna? Kiñi ha sa ezi mutala wa zeo? Kucwani ka seo? Oh, ki bukuba kwa butuna bati! Mwabona?

<sup>229</sup> Oh, muzwale, se luli fela kwa maungulo. Lisweli za ya . . . Li ka taha fela sina Mulimu mwa na bulelezi, kacwalo kiñi—ki tuso mañi ya kueza nto kaufela kwanda kubala fela sa Na bulezi, ni ku si utwisisa hande, mi lu itukiselize zona. Mi ki fo ha tahe cwale. Kona ze lu libelezi.

Lu libelezi kutaha kwa Lizazi le li tabisa la  
 mileniamu,  
 Fani Mulena luna ya fuyozwi ha ka taha ku to  
 ngela Munyaliwa wa Hae ya libelela;  
 Oh, lifasi la tonga, kulilela lizazi lelinde la  
 tukuluho ye munati yani,  
 Fo Mupuluso waluna ha kuta mwa lifasi hape.

Oh, Mulena luna wa taha mwa lifasi hape,  
 Ee, Mulena luna wa taha mwa lifasi hape,  
 Oh, Satani u ka tamiwa myaha ye sikiti, haluna  
 kuba ni muliki nako yeo,  
 Kasumulaho Jesu amano taha mwa lifasi hape.

Ki ba bakai baba itukisize? Munanule mazoho a mina.  
 Oh, mawi!

Oh, Mulena luna wa taha mwa lifasi hape,

Ha lu yemeñi fela luswalaneñi mwa mazoho.

Mulena luna wa taha mwa lifasi hape,  
 Oh, Satani u katamiwa myaha ye sikiti, haluna  
 kuba ni muliki nako yeo,  
 Kasumulaho Jesu amano taha mwa lifasi hape.

Oh, Mulena luna wa taha mwa lifasi hape,  
 Ee, Mulena luna wa taha mwa lifasi hape,  
 Oh, Satani uka tamiwa ka myaha ye sikiti,  
 haluna kuba ni muliki nako yeo,  
 Kasumulaho Jesu amano taha mwa lifasi hape.

Kutaha kwa Jesu ikaba kalabo kwa manyando  
 ni sililo sa lifasi,  
 Kakuli zibo ya Mulena i ka tala mwa lifasi,  
 liwate ni lihalimu;  
 Mulimu uka felisa matuku kaufela mi mioko ya  
 manyando i ka takulwa,  
 Kasumulaho Jesu amano taha mwa lifasi hape.

Oh, Mulena luna wa taha mwa lifasi hape,  
 Ee, Mulena luna wa taha mwa lifasi hape,  
 Oh, Satana u ka tamiwa myaha ye sikiti,  
 haluna kuba ni muliki nako yeo  
 Kasumulaho Jesu amano taha mwa lifasi hape.

<sup>230</sup> Oh, mawi! Kana ha mu i kutwi hande? [Kopano ili, "Amen! Haleluya!"—Mu.] Munahane, balikani, ye ki pentekota, mulapele! Ye ki pentekota. Halu kambeleñi mazoho aluna ni ku i opela. Sicaba sa pentekota, mañi ni mañi, cwale ha mu tamuluhe, amu zwise sizo sa kale sa Methodist seo ku mina cwale. Kifo cwale, ha lu i opeleñi!

Oh, Mulena luna wa taha mwa lifasi hape,  
 Ee, Mulena luna wa taha mwa lifasi hape,  
 Satani u ka tamiwa myaha ye sikiti, haluna  
 kuba ni muliki nako yeo,  
 Kasamulaho Jesu amano taha mwa lifasi hape.  
 Oh, Mulena luna wa taha mwa lifasi hape,  
 (Bibele ibulela cwalo!)  
 Mulena luna wa taha mwa lifasi hape,  
 Satani u ka tamiwa ka myaha ye sikiti, haluna  
 kuba ni muliki ka nako yeo,  
 Kasamulaho Jesu amano taha mwa lifasi hape.

Kana mwa Mu lata? [Kopano ili, "Amen."—Mu.] Ku lukile.  
 Na Mu lata. *Na Mu lata*, Kezeli Gibbs. Oh, ha lu nanuleleñi fela  
 mazoho aluna cwale ku Yena.

Na Mu lata, Na Mu lata  
 Kakuli U ni latile  
 Ni kuleka pulus-... (Libaka lifi? Ona fa fa  
 Kalvari.)  
 Fa Kalvari.  
 Na Mu lata, (Kanya!) Na Mu lata  
 Kakuli U ni latile  
 Ni kuleka puluso yaka  
 Fa Kalvari.



*SUNDA YABU SEBENTE YA DANIELE* LOZ61-0806  
(The Seventieth Week Of Daniel)

MUKOLOKO WA LISUNDA ZE SEBENTE ZA DANIELE

Liñusa le ka Muzwale William Marrion Branham, neli kutalizwe lwa pili mwa Sikuwa a Sunda kakusasana, Muyana 6, 1961, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)